

B

# THEOLOGIA MYTHOLOGICA

VIDELICET


De nominum Deorum Gentilium ratione:  
De imaginibus, aut formis, insignibus-  
que eorundem.

Et omnium imaginum explanationes al-  
legoricæ.

*Ex Doctissimorum virorum promp-  
tuario in compendium congesta labore*

PICTORII VILL.

Editio recentior & emendatioꝝ.



FRANEQUERÆ.

Excudi curavit JACOBUS HORREUS  
Bibliopola, MDCXCVI.

## TYRONI.

*Arma Deum; formasque velis si nomina  
prisca*

*Gentis, & archanum noscere schema, tyro:  
Hunc in delitiis babeas studiose libellum,  
Qui veterum casta gliscit adesse penn.*

# AUTORUM CATALOGUS

*Ex quorum monumentis hac collecta sunt.*

## EX POËTIS.

<b>H</b> omero.	<i>Publio Mimographo.</i>
Theocrito.	<i>Propertio.</i>
Hesiodo.	<i>Papinio.</i>
Euripide.	<i>Juvenali.</i>
Orphco.	<i>Marullo.</i>
Arato.	<i>Silio.</i>
Q. Ennio.	<i>Mantuanano.</i>
Virgilio.	<i>Tho. Moro.</i>
Horatio.	<i>Elisio.</i>
Tcrentio.	<i>Her. Buschio.</i>
Plauto.	<i>Fausto.</i>
Ovidio.	<i>Lippio.</i>
Anfonio.	<i>Octavio Cleoph.</i>
Claudiano.	<i>Pontano.</i>
Tibullo.	

## EX HISTORICIS.

<i>Herodoto.</i>	<i>Livio.</i>
<i>Laërtio.</i>	<i>Solino.</i>
<i>Plutarcho.</i>	<i>Diodero.</i>
<i>Hirtio.</i>	<i>Eusebio.</i>
<i>Sallustio.</i>	

## EX COSMOGRAPHIS.

*Strabone.*

*Ptolomao.*

## EX ORATORIBUS.

*Luciano.*

*Plinio.*

*T. Cicerone.*

*Cecilio.*

## EX GRAMMATICIS.

*Festo Pomp.*

*Donato. Servio.*

*M. Varrone.*

*Probo.*

## EX MIXTIS.

*Erasmo.*

*Paulo Marso.*

*A. Gellio.*

*Anth. Ferrariensi.*

*Macrobio.*

*Ænea Silvio.*

*Ang. Politia.*

*Massejo.*

*Apulejo.*

*Lactantio.*

*Seneca.*

*Luscinio.*

*L. Cælio Rho.*

*Verrio Flacco.*

*Philip. Beroaldo.*

## EX PHILOSOPHIS.

*Platone.*

*Boëtio.*

*Aristotele.*

*Alberto.*

*Albrico.*

*Anglico.*

## EX THEOLOGIS.

*Augustino.*

*Beda.*

# PICTORII VILLÆ

*De Theologiâ Mythologicâ capitula*

## I N D E X.

CAP. I.	CAP. IX.
<i>De Jano.</i> pag. 9	<i>De Cerere.</i> p. 58
CAP. II.	CAP. X.
<i>De Saturno.</i> p. 13	<i>De Baccho.</i> p. 60
CAP. III.	CAP. XI.
<i>De Jove.</i> p. 20	<i>De Cupidine.</i> p. 68
CAP. IV.	CAP. XII.
<i>De Marte.</i> p. 25	<i>De Priapo.</i> p. 71
CAP. V.	CAP. XIII.
<i>De Apolline</i> p. 29	<i>De Flora.</i> p. 74
CAP. VI.	CAP. XIV.
<i>De Venere.</i> p. 39	<i>De Plutone.</i> p. 76
CAP. VII.	CAP. XV.
<i>De Mercurio.</i> p. 46	<i>De Æsculapio &amp; Dea Salute.</i> p. 82
CAP. VIII.	CAP. XVI.
<i>De Diana sive Luna</i> p. 53	<i>De Minerva.</i> p. 84
93	CAP.

## CAP. XVII.

*De Pane.* p. 89

## CAP. XVIII.

*De Hercule.* p. 92

## CAP. XIX.

*De Angeronia.* p. 95

## CAP. XX.

*De Harpocrate.* p. 96

## CAP. XXI.

*De Junone.* p. 97

## CAP. XXII.

*De Iside.* p. 99

## CAP. XXIII.

*De Osiri.* p. 101

## CAP. XXIV.

*De Anube & Mace-*  
*done.* p. 104

## CAP. XXV.

*De Astræa.* ibid.

## CAP. XXVI.

*De Perseo.* p. 106

## CAP. XXVII.

*De Neptuno.* p. 107

## CAP. XXVIII.

*De Occasione.* p. 108

## CAP. XXIX.

*De Favore.* p. 112

## CAP. XXX.

*De Fortuna.* p. 113

## CAP. XXXI.

*De Genio.* p. 120

## CAP. XXXII.

*De Virtute Dea.* p.  
122

## CAP. XXXIII.

*De Concordia* p. 126

## CAP. XXXIV.

*De Decreta Dea Sy-*  
*rorum.* p. 128

## CAP. XXXV.

*De Gratiis.* p. 129  
CAP.

CAP. XXXVI.

*De Bona Dea five Fa-*  
*tua.* p. 132

CAP. XXXVII.

*De Æolo.* p. 134

CAP. XXXVIII.

*De Anno.* p. 136

CAP. XXXIX.

*De Januario.* p. 137

CAP. XL.

*De Februario.* p. 139

CAP. XLI.

*De Martio.* p. 140

CAP. XLII.

*De Aprili.* p. 141

CAP. XLIII.

*De Majo.* p. 143

CAP. XLIV.

*De Junio.* p. 144

CAP. XLV.

*De Julio.* p. 145

CAP. XLVI.

*De Augusto.* p. 146

CAP. XLVII.

*De Septembri.* p. 147

CAP. XLVIII.

*De Octobri.* p. 149

CAP. XLIX.

*De Novembri.* *ibid.*

CAP. L.

*De Decembri.* p. 150

CAP. LI.

*De Cybele.* *ibid.*

CAP. LII.

*De Novem Musis.*  
p. 154

CAP. LIII.

*De Argo.* p. 158

CAP. LIV.

*De Parcis.* p. 160

CAP. LV.

*De Volupia Dea.*  
p. 163

P. 163

CAP. LVII.

CAP. LVI.

*De Harpyis.* p. 167.

*De Proteo.* p. 166

F I N I S.







## D. GEORGIO KECK

*Hechingano Friburgensis Ecclesia fidelissimo  
curatori, Ambrosio Kempff nobili, & Jo-  
anni Kastmeister archigrammatheo,  
autoritate prudentiaque ornatiss. &  
bonarum artium magistris, Pi-  
etorius apud Friburgum Bris-  
goicum padonomus, S. dicit.*



ummo conatu studuerunt vi-  
tare superioris ætatis homines  
(ingenii candore, nobilitate,  
prudentiaque celeberrimi vi-  
ri) ne scriptorum suorum monumenta,  
quibus jam collophonem adiecissent, si-  
ne principis alicujus tutela adversus in-  
vidorum ronchos, criticorumque furio-  
sam rabiem divulganda in publicum pro-  
dirent: quam quidem solertiam & eo-  
rum suavit industria, vel præexcellens  
integre sapientiæ studium, & principum  
velut ex debito postulavit eximia virtus.  
Cujus rei exemplo est Julii Pollucis ad  
Commodum Cæsarem incomparabile o-  
pus.

pus; Æliani de instruendis aciebus ad  
 divum Hadrianum liber eximius, Dio-  
 phani ad Dejotarum regem de agricultu-  
 ra volumen, Vitruvii de architectonica  
 ad Augustum præclaræ eruditionis co-  
 dex, Flacci ad nobilissimum Hetrusco-  
 rum equitem multa opera, Oppiani tra-  
 ctatus de piscibus magna cum laude ad  
 Antonium missus. Et demum (nam sin-  
 gula enumerare non statuimus) quos  
 principes ab illustrissimis natalibus nobi-  
 lissimos divinus ille Erasmus: qui quo  
 principibus humilior, eo his sublimior,  
 qui quo principibus doctior, eo quoque  
 his nobilior: multo nobiliores suis libris  
 non effecit? Ast ego cum vos omnium  
 virtutum uberrimas cognoverim scaturi-  
 gines, præsertim quando is qui inter vos  
 primas tenet sic dominici gregis pascit  
 oves, ut pabuli vice nihil eis obiciat  
 quàm sacrosanctum euangelii verbum:  
 Et alter Augiæ sic abhorreat viciosum  
 stabulum, ut non ob generis tantum no-  
 bilitatem, sed ob vitæ suæ celebrem pro-  
 bitatem, nostræ Ecclesiæ perpetuus à  
 consultissimis hujus civitatis patribus op-  
 timo jure videatur electus thesaurarius.  
 Tertius item tantæ sit prudentiæ, ut vel  
 sedendo Romanos vinceret, cui tale ap-  
 po-

ponere non inconsistentaneum videtur elo-  
gium :

*Egregius scriba est , tenuem perfectus ad  
unguem :*

*Estque bonus , prudens , impiger , as-  
siduus ,*

*Arcani custos fidisissimus , utilis urbi ;  
Lucrum ingens nolit , parva lucella ve-  
lit :*

*Est comis sermone , stilo gravis , arte po-  
litus ,*

*Ulvidus ingenio , vividus & calamo.*

Dum hæc inquam cognoveram , vos  
quoque principes esse judicavi , & ta-  
les , ut labores meos pingui admodum  
Minerva elaboratos sub vestro consultum  
judicaverim publicari auspicio. Maxi-  
me ibi sequutus cedro dignam Antisthe-  
nis Socratici philosophi & cynicæ sectæ  
principis sententiam , qui eos principes  
esse nobilissimos affirmavit , quos omnige-  
narum virtutum thesaurus effecisset generosos.  
Cujus opinionem quam proxime accedit  
illud Platicum : Non qui generis præ-  
stantia , nulla propria virtute innixi tume-  
scunt , generosi sunt principes , quoniam præ-  
stat ingenium excoluisse , in quo vera sunt  
stemmata & genuina hominis excellentia ,

tum, Quique nec illud perspicere quivit, non Poëtas modo, sed & clarissimas civitatum quandoque fabulis usas: Et legum latores, qui imperitiorem multitudinem hac ratione ad bonum sæpius eliciuisse deprehenduntur. Quoniam fabulæ res est quæ præpotenter ad discendum animos rerum imperitos provocat, & velut heraclius quidam lapis ad studium vehementer trahit. Unde à veteribus cautum erat lege, ut his tanquam fomentis primitus tenerior informaretur ætas. Valete bene ornatiss. viri. Datum Friburgi Anno Virginei partus sesquimillesimo trigesimo secundo.

### *CANDIDO LECTORIS.*

**I**nstitueram ( candide Lector ) saltem Deorum, quos iners gentilium coluit error, ex uberrimo veterum auctorum scrinio, utcumque fuerat liberum, depingere figuras, depictas ad uberiores intellectum allegoriis illustrare, ne prorsus nihil præter fabulas se hic lectitasse posset conqueri Minervæ rerumque novarum cupidus. Ast quum inter legendum tam varios auctores, tot præclara Deorum nomina mihi scribenti obvias-

sent, operæ pretium videbatur, antequam cujusque capitis auspicarer exordium, etymon ejus Dei nominis præmittere cujus ibi futura esset mentio. Præsertim *cum præclarum nomen onerosam rem* dixisse Alexandrum Severum Lampridius testatur, cujus rei vel inde approbamus calculum, quod semper quiddam latentis energiæ habeat, qua cum adolescentiam nonnunquam etiam jacentem, ad honestissima facinora promovere solet. Unde & Socrates apud Platonem recte (quod solet) præcepit, *ut pulcherrima nomina à parentibus imponerentur pueris, quo his ceu illicio vehementius ad recte facta concitarentur.* Id quod & Nestor Homericus usque laudare videtur, *cum nihil aequè pulchrum esse inquit quàm nomini suo respondere.* Id quod etiam Herodianum grammaticum sensisse credimus, cum apud Græcos moris fuisse scribit, *ut non nisi aliquis eventus daret nominis occasionem post octavum vel nonum ætatis annum.* Cujus rei vel hoc testimonio est, quod hi pueros suos *Theophilos* vocant, id est *amatores Dei: Polyphemos, qui sunt amplissima fama: Arctosthenes, robustos instar ursi: Leosthenes, quibus leonina sit fortitudo.* Quæ eventus nomina in nostrum

strum Christianismum non temere venisse dubitaverim, cum eos *Gotholdos* nostrates appellitant, *Albrechtos*, *Bernhardos*, *Leonhardos*: & cum alia quæ æque ob magnas virtutes sed planè germanica his imposita videntur in usu sunt. Quemadmodum est in nomine *Huldenrich*, cui singuli favent, vel qui morum suavitatem omnium favorem eblanditur. *Fridenrich*, qui pacis author seu conservator est. *Burghart*, qui tam solidæ est fidei, ut in eum etiam munitissima arx sit ædificanda. *Erhart*, qui fortiter occupat ea quæ ad honorem & rectam æstimationem attinent. *Gebhart*, qui gravatim & ægre aliquid expendit, sed rei familiari cum summa parsimonia prospicit. *Conradt*, qui est strenui consilii &c. His igitur singulis exactius pensitatis, saltem primis labris degustavi rem. Fretus aliunde proditurum quempiam, qui hac temeritate mea factus animosior, ejus rei pertractandæ, cujus ego fenestram (ut ajunt) aperuissem, vel ampliore eruditione & otio liberiore ansam assumeret. Vale candide Lector, & hanc nostram impudentiam boni consule: Libenter, si quid erratum sit, tuam admittimus spongiam.

A Jano, in cujus tutela scribebatur omne principium (Musis bene volentibus) certum est exordiri primum caput.

## P R Æ F A T I O.

*S*iquidem Janus Saturni fugientis hospes, (unde Italia Latinum nomen habet) omne principium fertur sub presidio tenere, & januis per quas introitus patet, præfisse: quemadmodum apparet in Januario inde nominato, qui (est enim primus mensis) annum exorditur, & ad reliquos menses aperit introitum, Visum est & ab hoc nostram auspiciari rem. Qui (nam antiquitus invocabatur priusquam ad alios Deos constaret accessus, teste Macrobio) ad reliqua nos bono omine perducatur numina, dextro admodum favore manifestans Patulcius suum templum, ut ibi nec Momus, nec Ate (Diis invisa numina) suis coloribus inexaminati compareant.

# DE JANO.

## CAPUT PRIMUM.

### *De nomine Jani.*

**J**ANUS igitur, quoniam alii voluerunt esse Solem, alii mundum, ab cundo dictus est, quod Sol oriens ad occidentem cubitum cundo, & mundus dum in orbem volvitur, ex capite draconis initium (sic enim pingebatur apud Phœnices) & in cauda devorata finem notans, crebros faciat meatus & perpetuo eat: Unde Cicero non Janum, sed Eanum vocari existimat. In primo tamen Fastor. à Janua Janum dictum esse fateatur Ovidius. Qui hunc aliquando patrem, quasi Deorum Deum, Janum Junonium, quasi non solum mensis Januarii, sed mensium omnium ingressus tenentem (in ditione etenim Junonis omnes erant Calendæ) vocat. Præterea vocari Consivium à conferendo, id est propagine generis humani, quæ Jano auctore confertur, ut Macrobius scribit. Quirinum item, quasi bellorum potentem, ab hasta

A 5

quam



quam Sabini Curim vocant : Patultium & Clausium, quòd bello valvæ ejus templi paterent, pace clauderentur &c. quas præterea nomenclaturas fortiatur à cunctis compendii gratia nunc intermittam.

*De simulachro Jani.*

Pingebatur Jani effigies à Numa rege primitus inventa, his lineamentis : In folio regis sedebat vir, corona & radiis illustratus, habens duo vel quatuor capita : cujus dextra insignis erat baculo, & Græca litera  $\tau$ , sinistra vero  $\xi$  &  $\epsilon$ , Clavis à cervice pendens aureum pectoris erat gestamen.

*Figmenti explanatio.*

Sed qui historicè ea volunt intelligi, coronam & regale solum, regnum quod Janus antiquissimus Italiæ rex in aureo seculo possedit interpretantur : quem tanti acuminis fuisse asserunt, ut res præteritas ad suam vitam recte componendam disponeret, & futurarum felix haberet judicium, unde bifrontem sunt clementi. Per posteriorem innuentes salubre esse Apophthegma hoc Salustianum : *In primis magni commodi est rerum gestarum memoria.* Quod utroque quidem pollice com-

comprobare videtur Tullius, quum scribit : *Nihil scire earum quæ antequam nascereris factæ sunt , est semper esse puerum* , quoniam ex aliorum factis præteritis , non est laboris nostram in melius instituere vitam. Unde haud immerito Demetrius quidam Ptolemæum regem subinde admonebat , ut libros ex antiquorum pœnu sumptos frequenter legeret , quoniam quæ amicis non esset satis tutum demonstrare principibus , ea omnia in libris affatim exarata per se ipsi reperirent. Per anteriorem vero , futurarum adeo necessarium esse iudicium , ut sine hoc nemo haberi debeat sapiens , quod in hoc celebratissimo Homeri comprobatur adagio : *Factum novit & excors*. Hinc est quod Fabius apud Livium *eventum stultorum appellat magistrum*. Hac autem via Janus in Deorum venit orchestram. Jano regnante , inquit Macrobius omnium ædes religione & sanctitate fuerant opplete : idcirco ei divini honores sunt decreti , & ob merita factus est Deus , cui introitus & exitus consecrati essent. At in primo Satur. 9. cap. longe aliter duas illas frontes interpretatur Macrobius. *Sunt enim inquit , qui Fanum Selem restantur , & ideo geminum quasi utriusque*

*que janua cœlestis potentem , qui exor-  
 riens aperiat diem , occidens claudat.*  
 Cornelius Bassus in lib. de Diis , bifron-  
 tem dicit quasi superni inferiorisque re-  
 gni Janitorem , vel quasi diei dominum  
 in quo ortus est & occasus. Sunt & qui  
 bifrontem fuisse narrant , quia Græcus  
 fuit , ut in monumentis proditum testa-  
 tur Plutarchus. Cumque in Italiam tra-  
 jecerit , linguam , simul & victum mu-  
 tavit , vel quia cum Janus in Italia regna-  
 ret , & Saturnum à Jove expulsus exce-  
 pissent hospitio , ab eo edoctus usum ait  
 Plutarchus vinearum & falcis : ferum il-  
 lum & rudem ante fruges cognitum vi-  
 ctum redegit in melius , factusque pru-  
 dentior geminam faciem pertulisse fer-  
 tur , ut quæ ante quæque post tergum  
 essent intueretur. Ali dicunt quod post-  
 quam Romulus & Tatius in fœdera con-  
 venerint , Jano simulachrum duplicis fron-  
 tis effectum , quasi ad duorum imaginem  
 populorum. Unde is Deus præesse fœ-  
 deribus faciendis dicitur. Eum nonnulli  
 quadrifrontem esse dixerunt , propter an-  
 num in quatuor tempora divisum , vel  
 quasi universa clymata majestate comple-  
 xum. Hæc Macrobius. Baculus , quoniam  
 portarum custos habebatur , conveniens  
 gesta-

gestamen fuit ad vim depellendam. Illa vero nota 7, trecentos signat: hæc 5. quinquaginta: & 5 quinque apud Græcos. Hinc Plinius lib. 34. cap. 7. scribit Janum digitis ita figuratis comparuisse, ut trecentorum quinquaginta quinque dierum nota, per significationem anni, temporis & ævi se Deum indicaret. Nec tamen nos moveat illa imago, neque Plinii verba, qui anno tribuit dies saltem 355. tot enim dierum annus aliquando fuit, ut scribit Solinus regnante Numa, à quo Janum sic formatum accepimus. Clavis huic tributa fertur, ut antiqui anni reclusorem monstrarent, unde Patultius nomen habet.

## DE SATURNO.

### CAPUT II.

#### *De nomine Saturni.*

Sed quia post principium, cui Janus præsidet, in seriem distributus est Planetarum ordo, à primo, qui est Saturnus, libuit paulatim transire ad reliquos. Saturnus igitur, quem principem Deorum Carthaginensium credidit religio,

gio, à saturo quod hyeme faturet homines, dictus est ut scribit Isidorus : vel quod faturetur annis, ut Cicero : vel quia se in devorandis liberis saturat, quamvis Macrobius à fatu potius appellatum velit, quoniam peritiam ruris & fatorum omnium primus edocuit, rudemque ante fruges cognitas victum in melius commutavit stercore, unde à Romanis aliquandiu Sterculius vocabatur : seu ut idem Macrobius à virili membro dictus est Saturnus, quod veteres Græci *σάτυρος* vocant, quoniam Coeli patris pudenda abscidisse commemorant Saturnum, quibus in mare dejectis, Aphrodite, id est Venus nata est. Hinc Satyros quoque veluti Sathunos (quod sint in libidinem proni) appellatos opinantur.

*De simulachro Saturni.*

Pingebatur autem depontani hominis instar, canis capillis, barba in pectus vergente, tantum humoris concreti in oculis habens, ut vulgo cæcutientes, stupidi, & hi qui senectutis vitio errant, in oculis Saturnias lemas habere dicantur. Est enim inquit Erasmus lema humor in oculis concretus, unde lippitudo venire solet. Propterea Dionysidorus apud Platonem

tonem Socratem Saturnum vocat, per  
 quod bardum, senilem ac stupidum vult  
 intelligi. Saturni quoque culus de carni-  
 bus vetulis, jamque mancis & sensu va-  
 cantibus dici coeptum est: Quicquid e-  
 nim putre jam & effœctum ostendere volue-  
 runt, olim id Saturnium vocabant, propter  
 turpitudinem & macilentiam illius Dei.  
 Vide Eras. Chyliad. in proverbio, Po-  
 dex Saturni. Pingebatur & curvus atque  
 podagrosus, tristis, colore pallido vel  
 glauco, tecto capite, dextra manu fal-  
 cem habens messoriam, & serpentis ima-  
 ginem, qui in gyrum revolutus, cau-  
 dam propriis commordebatur dentibus. Per  
 sinistram filium parvulum ori applicans,  
 devorare hunc & rursus evomere videba-  
 tur. Compeditus item ligatus, juxta se  
 habens Opis uxoris imaginem, in cujus-  
 dam matronæ similitudinem depictam quæ  
 aperta manu dextra opem omnibus admi-  
 nistratura: panemque sinistra pauperibus  
 offerens videbatur. Erat & ante eum ma-  
 re depictum, in quod Jupiter virilia am-  
 putata, à quibus orta est Venus, immit-  
 tebat.

*Explicatio formæ.*

Effigies deponant hominis instar, ca-  
 nis

nis capillis , barba , & concretis oculis , hac ratione pingitur , quòd Saturnus habet molestissimam totius anni partem , videlicet hyemem , quoniam facer est illi December , teste Macrobo. in quo frigoris grassatur iniuria. Nam ut scribit Lactantius secundum Pythagoricam distinctionem ætatis humanæ , Veri pueritia accommodatur , Æstati adolescentia , Autumno juvenia , Hyemi vero senectus : quæ ætatis pars ad omne vitæ munus hominem reddit inutilem , in otium reiecit , ab omni functione negotiorum relaxat , & demum singulas turpitudinis rugas inducit , prorsusque Saturnium facit.

Curvus atque podagrosus , namque motus est omnium planetarum tardissimi , ut qui anno trigesimo iter suum impleat , hæc Anglicus lib. 8.

Pingebatur & tristis , quòd à filio suo expulsus sit regno : sed est nihil aliud hoc quàm quòd tempora senescentia ab his quæ post sunt nata , depelluntur , juxta hoc Publilianum : *Discipulus prioris posterior est dies.*

Item colore vel pallido vel glauco : Hic namque planeta duplicis mortifere qualitatis est , frigide & sicce , quæ horum colorum effectrices creduntur : unde

Pto-

Ptolemæus in lib. de Judiciis astrorum ait: Fœtus sub dominio Saturni aut conceptus aut natus, fuscum aut glaucum assequitur colorem, cito moritur, aut pessimas sortitur qualitates. Tecto capite, fumebant enim Saturno diebus sacratissimum pilcum servi, quo uti alias duntaxat ruri & militiæ solebant. Nisi huc referendum censeamus, quod Saturnus veritatis Deus à Romanis habitus est, quæ caput, hoc est quod præcipuum in se habet, desiderat simplicitatis pilco velari.

Dextra manu falcem habens messoriam & serpentis imaginem. Hac falce amputasse fertur patri Cœlo virilia: cujus rei causam scribit Servius, dicens: *Nisi humor de cœlo in terras descenderet nihil crearetur.* Sunt tamen qui falcem Saturno tributam putant, quod tempus, ut inquit Macrobius omnia metat, execat, & incidat. Saturnus enim à Græcis *χρόνος*, quod tempus est, dicitur. Aliis quoque placet dari Saturno falcem veluti messis insigne, quod melioris vitæ autor fuerit: Unde hanc in Sicilia per Saturnum ex incuria amissam, tradit Macrobius, quæ oppido nomen quod Drepanum vocatur, intulit, quippe Græci *σπίρμαρον*,



falcem nominant : sic Ovidius in Fast. *Quique locus curvæ nomina falcis habet* : At falcis amissio in Sicilia, ejus loci fertilitatem designat.

Serpentis vero typus in se revoluti, annum denotat. in se enim uti circulus redit annus. Unde Virgilius. *Atque in se sua per vestigia volvitur annus*. Quare ante inventas literas (ut Servius scribit) apud Ægyptios indicabatur annus picto dracone, caudam suam mordente.

Filium parvulum ori applicans, Ex eo quidem, ut Coelius testatur, Saturnum tempus esse comparet, præsertim quum à Græcis *χρόνος* vocatur, à quo vicibus cuncta gignantur, absumanturque & ex eo denuo renascantur.

Pingebatur compedibus ligatus, Ideo quia certa naturæ lege inter se connexa sunt tempora : Vel quia in cursu suo testudineo semper stare videtur : seu quòd omnes fruges quibusdam vinculis, nodisque alternantur. Macrobius tamen scribit Saturnum laneo vinculo per annum alligari solitum, & mense Decembri in die sibi festo solvi, unde ortum esse proverbium : *Deos, laneos pedes habere*. Significari vero per hoc decimo mense semen in utero animatum, in vitam

tam augeri, quod donec in lucem veniat, mollibus naturæ vinculis detinetur.

Opis præsentia huc tendit, quòd Opem Saturni crediderunt conjugem, unde hoc mense Decembri Saturnalia, itemque Opalia veteres habuisse comper- tum est. Hinc non absurdum erat, cul- tu matrimoniali eam coram marito videri, præsertim cum Ops terram omnium ma- trem significet. Aliud tamen nihil aper- ta manus singulis Opem prætendens, quàm Saturnaliorum Opaliorumque ri- tum declarat, in quibus omnes præsens Opis auxilium sentiebant, videlicet ut servi cum dominis, & domini cum ser- vis vescerentur, ut qui provinciam laboris in rure colendo simul tulissent, jam si- mul voluptatis edendi participes fierent: vel quòd Saturni beneficio de coelo fru- ctus ad maturationem irrigantur, & O- pis liberalitate fruges fructusque ad vitæ cultum de manu aperta elargiuntur, eti- am colonis.

Sed mare ante eum depictum, in quod Jupiter virilia amputata immittebat, quid aliud significaret, quam ante chaos nul- lum fuisse tempus? Siquidem tempus certa dimensio est, quæ ex cœli conver- sione colligitur. Tempus igitur cepit

cum natus est Saturnus, qui ob hoc  
 χείρ & vocatur.

## DE JOVE.

### CAPUT III.

#### *De nomine Jovis.*

**J**upiter planetarum, ut dixit Ennius,  
 is est, quem Græci vocant aërem,  
 quod Theocritus in Batto his verbis  
 expressit:

*Jam pluit & claro nunc Juppiter athere  
 fulget.*

Unde Athenis fuisse simulachrum terræ,  
 à Jove pluviam comprecantis, scribit  
 Pausanias, quem Jovem pluvium inde  
 dixerant, ut his versibus Tibullus, cum  
 de Nilo loquitur, indicat:

*Te propter nullos tellus tua postulat imbres,  
 Arida nec pluvio supplicat herba Jovi.*

Hunc autem veteres à juvando appellave-  
 re, quem nunc alio vocabulo juncto,  
 patrem vocamus. Nam quod est in elisis  
 aut immutatis quibusdam literis, Ju-  
 piter, dicente Gellio lib. 5. id plenum  
 atque

*atque integrum est Jovis pater.* Sicut etiam dicere solemus Marspiter & Diespiter, id est diei lucis pater, qui est Jupiter, quem Macrobius 1. Saturnal. scribit Lucetium in Saliorum carminibus dictum, tanquam lucis authorem: quod inde c'arius patet, quia hunc diem Jovis dixerunt fiduciam. Cujus lux cum Solis occasu non finitur illustrante Luna, quod semper in plenilunio, id est medio mense fieri solet. *Quum igitur Jovem a juvando dixerunt, eum contra Deum qui non juvandi potestatem, sed vim nocendi haberet.* (Nam Deos quosdam ut prodesse celebrabant, quosdam ut non obessent placabant) *Veiovem appellaverunt, dempta atque detracta juvandi facultate,* hæc Gell. lib. præfato.

*De imagine Jovis.*

Ejus imago sic pingebatur: Vir ad mulieris declinans molliciem in throno eburneo, fulminibus & sceptro regio sedebat innixus, sine auribus, At tribus oculis perlustrans singula, Gigantes impetu reluctantes calcans pedibus, cui per pedes separatim distortos aquila volatu ingens, pulcherrimum juvenem craterram in manu habentem rostro ferebat adunco.

*Imaginis Allegoria.*

Viri muliebris mollicies in hac pictura, huc vergit, quod Orpheus Androginum vocavit Jovem, Hoc considerans, Jovem non solum esse æris animam, sed Junonem æqualiter. Quemadmodum Cererem non solam terræ animam, sed etiam Plutonem cum Proserpina coeuntem. Nisi ad fabulam Liberi patris qui Semele mortua in fœmore Jovis aliquot menses est nutritus, ea referamus.

Sceptrum & fulmina, quoniam Decorum atque hominum dicebatur rex, convenienter illi fuerant assignata: sunt enim regii status insignia. Quam latè autem ejus patuerit regni imperium, dicit Apulejus in lib. de mundo ex Orphei carminibus se hæc lectitasse:

*Juppiter omnipotens est primus & ultimus  
idem,*

*Juppiter est caput & medium, Jovis omnia munus,*

*Juppiter est fundamen humi ac stellantis  
Olympi,*

*Juppiter & mas est & fœmina nescia moris,*

*Spiritus est cunctis validi vis Juppiter ignis,*

*Et pelagi radix, Sol, Luna est Juppiter  
ipse,*

*Omnipotens rex est, rei omnis Juppiter or-  
tus.*

Plinius autem lib. 2. hac causa Jovi vult assignari fulmina: *Quoniam* inquit *ut è flagrante ligno, carbo cum crepitu, sis a sydere cœlestis ignis expuitur, qui cedit in terram fulminis instar ardentis, & maxime turbato aëre, hoc est Jove, propter collecti humoris abundantiam.* In Creta Jovis simulachrum confingi certum est sine auribus: quoniam principem virum, & omnibus late dominantem audire addecet neminem, sed id deum persequi quod dicat rationis examen, & justitiæ nusquam præflorata integritas, hæc Cælius lib. 6.

Trium oculorum ratio, providentiam continet triplicem: Nam cœlo imperare creditur, & Homerus apud inferos & in mari dominium illi esse testatur, quibus omnibus regendis, oculis multis est opus.

Convenienter etiam allegoria trium oculorum in hoc deduci videtur, quod regibus complures ubique sint exploratores, qui ob id oculi regum dicuntur:

complures item auscultatores, quibus velut auribus utuntur: vide *Erasum* in proverb. Multæ regum aures.

At gygantes calcans reluctantes *Jupiter* inauspicato cedere quæcumque citra consilium adversus Deos, adversus pietatem, adversus jus & æquum instituuntur exprimit. Gigantes enim à *Jove* in gygantomachia domitos, quid aliud fuisse credendum est, quàm hominum quandam impiam gentem, Deos negantem, & ideo existimatam Deos pellere de cœlesti sede voluisse, ait *Macrobius* 1. *Satur.* Hæc fabula est nota: habetur tamen ejus series lib. 1. *Transformat. Ovidii.*

*Aquilâ* autem *Jovi* adscribitur, vel quia domina est avium, ut *Jupiter* *Deorum*, vel quòd *Jupiter* *Saturnum* superaverit ejus avis auspicio, ut *Servius* scribit. Itaque *Clearchus* tyrannus quum ex successu continuæ felicitatis se *Jovis* filium diceret, præferri sibi auream aquilam voluit, velut generis argumentum. Negant præterea aquilam unquam fulmine exanimatam, ideoque armigeram *Jovis* consuetudo judicavit, teste *Plinio* lib. 10. cap. 3. De *Ganimede* *Trois* filio perhibent auctores, quòd *Jovem*

vem admiranda sua pulchritudine in sui amorem pellexerit, à quo in aquilam mutato, sit raptus de Ida, ac suæ mensæ minister adhibitus. Sed hoc quidem idcirco fingitur, quòd Jupiter aut per legionem Ganimedem rapuit, cujus insigne erat aquila. Aut navis cui fuerat impositus pictam habuit aquilam, ut Lactantius exponit. De raptu Ganimedis Ovidius lib. 10. Transfor.

## DE MARTE.

### CAPUT IV.

#### *De nomine Martis.*

**M**ars inde nomen habet, quòd in bello maribus præsit: sive quòd à Sabinis acceptus est, apud quos Marmers vocatur: à Poëtis Mavors, quòd magna vertat dicitur, ut Cicero lib. 2. de natura Deorum. Vel quod viros vorat juxta Albricum. Gradivum quidam dictum existimant, quòd in bello ultro citroque graditur, sive à gramine, quod herbam significat, quia sit à gramine ortus. Unde & graminea corona in re militari maximæ dignitatis erat, scribit Plinius lib. 22. cap.



3. & 4. Gell. lib. 5. quoniam ortum traxisse Martem à Junone fabulatur Ovidius sine patre. Nam quum Juno animadvertisset Jovem maritum percussio capite sine muliere emisisset Minervam armatam, versus Oceanum profecta est, ut scrutaretur quo pacto & ipsa parere posset sine viro. Sed quum in itinere fatigata ante ostium Deæ Floræ uxoris Zephyri confedisset, interrogata ab ea dicitur, quam ob causam ad Oceanum pergeret, qua cognita, facturam se voti compotem Deam pollicita est, si id Juno Jovem celaret. Quod cum se facturam Juno jurejurando affirmasset, mox illam Flora monuit, in campis Oleniis florem esse, quo tacto repente sine viro conciperet: id experta Juno Martem concepit, deinde peperit. Quapropter Flora apud Ovidium sic loquitur:

*Mars quoque si nescis, per nostras editus  
artes,*

*Juppiter hoc, & adhuc nesciat usque pre-  
cor.*

*De simulachro Martis.*

Martis simulachrum tale erat, in curru à fronte gallum continente, quem equi

qui furibundi trahebant , homo sedebat furibundus , armatus , lorica , galea , & cæteris armis defensivis , in manu habens flagellum , & ante se lupum ovem in rictu portantem : sub curru autem Romuli & Remi suorum filiorum conflictum.

*Expositio.*

Furibundi hominis imago & fortis panoplia Martis , huc pertinere videtur : quod Diodor. lib. 6. Martem fabricatis armis primum armasse milites , pugnandique ac certandi morem induxisse , atque eos qui Diis adversi essent interfecisse scribit. Eundem etiam Homer. refert inter omnes cœlestes Jovi esse maxime invisum , quem nihil juvat nisi rixæ , nisi pugnae , nisi bella , vere reddentem ingenium Junonis ferox , elatum , contumax , & malignum.

Sed gallus fortassis currui erat adiunctus idcirco , quia gallus omnium pugnacissimus bellacissimusque , Marti ferebatur sacer , utpote & crista & calcari-  
bus ad pugnam expeditus. Vel quod is olim fuerit adolescens quem Mars in deliciis habuit , de quo satis scite fabulatur Lucian. in Gallo. Aut quia gallus pristinae naturæ habens vestigia , pervigil est , & ipsius auroræ sedulus antecambulo ,  
quo

quo gallicinium , tempus antelucanum appellatur : Sole enim cubitum cunte , atque aurora veniente studet vigiliis , ut Plinius scribit lib. 10. cap. 21. quæ in bello maxime conducunt circa principes. *Quoniam nullius rei est* ( sicut proverbio dicitur ) *vir dormiens.* Quod pulcherri- me scribit in hoc carmine Homer. 2. Ili- ados.

*Belligera Atrida dormisne Agamemnon ?  
Perpetuam noctem dormire haud principe  
dignum est.*

*Cui populi commissi , & tanta negotia  
cura.*

Ejus rei uberiores facit mentionem di- vinus ille Erasmus in proverb. *Non de- cet principem solidam dormire noctem.*

Lupus ovem in rictu portans , hoc significat quod proverbium , *Mars rex* , cujus interpretatio ( ut Erasmus ) in prin- cipem congruere videtur , qui vi , non legibus Rempublicam tractat. Ferrum enim à Græcis aliquando Mars dicitur : unde sensus proverbii est , *Ferrum rex* , quoties res vi geritur : qualiter enim ad leges confugiat lupus in rapienda ove , ubertim in apologis habetur Æsopicis. Fuit tamen specialiter Marti hoc animal

MYTHOLOGICA. 29  
à veteribus consecratum, quia cruoris  
appetens.

## DE APOLLINE.

### CAPUT. V.

#### *De nomine Apollinis.*

**A**pollo Jovis & Latonæ filius, eodem partu cum Diana genitus, quartum planetarum in cœlo possidens orbem, ab à privativa particula & πολλοί, quod significat multi, hoc est quod solus sit & non multi, teste Chrysippo dicitur. Pythagoras universalem hunc vocavit, & quasi simplicem ac unum, velut ab aliis sequestratum, & multitudinis nescium ait Coelius lib. 1. cap. 3. Unde Latini hunc Solem, id est unum vocavere, quod tantam claritudinem solus obtineat. Dictus item Phœbus est, quod vi feratur, vel à specie & nitore: pulchrum enim & imberbem fingeant, propter quod prima barba & capillus sacrari ab iis qui adolescentiæ annos excederent, Apollini solebat.

#### *Effigies Apollinis.*

Effigiem Apollinis ferè his coloribus  
de-

depinxit Albricus: Nunc pueri elegantis  
 instar, corona duodecim pretiosorum la-  
 pidum & alis insigniti: nunc juvenis  
 ex ephœbis excedentis: nunc viri ad  
 fordida caniciem declinantis, in vertice  
 tripodem aureum, in dextra Gratias tres,  
 in sinistra arcum cum sagittis, ab hume-  
 ris vero cytharam dependentem gestabat;  
 pedibus calcans horribile monstrum tri-  
 bus capitibus insigne, lupi, leonis, &  
 canis, unico ventre, in unam quoque  
 caudam serpentinam videlicet desinente.  
 Huic præterea ab uno latere stabat laurus  
 viridis, novem Musarum umbraculum,  
 quibus choream ducentibus Apollo cho-  
 ragus mensuratæ saltationis edebat modos.  
 Ab altero vero, corvus desuper volitans,  
 & Python transfossus pingebatur. In  
 curru quidam Phœbum dicunt vehi qua-  
 tuor equis trahendum, sed Macrobius  
 aliam prorsus effinxit effigiem, quæ se-  
 quitur.

*Alia Apollinis effigies ex Macrobio  
 lib. 1. Saturnal. cap. 17.*

Hieropolitani qui sunt gentes Assyrio-  
 rum, omnes Solis effectus atque virtutes  
 ad unius simulachri barbati speciem re-  
 digunt, hocque Apollinis fuisse credide-  
 runt.

runt. Hujus facies pròlixa erat in acutum, barba figurata, eminente super caput calathò, simulachrum thorace erat munitum, dextra erectam gerebat hastam, super stante Victoriæ parvulo signo. Sinistra floris habebat speciem, summisque ab humeris gorgoneum velamentum, redimitum anguibus tegebat scapulas, Aquilæ volantis picturâ effigiem sequebatur. Ante vero pedes imago foeminea cum dracone flexuoso sedebat: hæc Macrobius.

*Prima imaginis explanatio.*

Quia sol recedens ab uno puncto circuli sui, & revertens in eundem, transit per duodecim signa Zodiaci, idcirco Apollo, qui Sol est, corona duodecim lapidibus redimitus fingitur, teste Isidoro.

Aristoteles inquit, Apollo inter omnes planetas maxime disponit atque ordinat ad animationem & vivificationem animalia, unde triplex illius Dei forma ad hoc spingis ænigmaticum convenire creditur. Mane, id est prima ætate quadrupes: meridie, quod est in adolescentia, bipes: vesperi, hoc est ultima ætate tripes. Per hoc, trium ætatum Apollinem esse peractorem significatur. Quòd  
eti-

etiam Anglicus his verbis declara : Nihil potest in vivis manere sine virtutis solaris operatione.

Apollo virtutem inferiorum habet informativam dicit Beda : unde secundum elongationem ejus & propinquationem, facies hominum, & animalium corpora ait Isidorus disponi. Quapropter ejus simulachrum erat absque barba, sed alis depictum : Nam ut Ptolemæus dicit, Solis constellatio facit hominem corpulentum, facie pulchra, strenuum, & agilem. Aut ideo imberbis pingebatur sub patris nomine : quia occidendo & renascendo senectutis pellem non admittere creditus est. Sive quòd nunquam in sua virtute deficit, ut Luna quæ crescit & minuitur.

Tripodem in vertice tulisse, veritatis oraculorum symbolum erat. Tripodem enim fuisse lebetem tribus fultum pedibus, testantur authores. Hujus duo erant genera : Alterum Apollinis, ad oracula dispositum, quæ cæteris veriora credebantur : Alterum Bacchi, in quo vinum miscebatur, quòd ebrii vera loquantur : quemadmodum proverbio circumfertur, *in vino veritas*. Vide Erasmus. *Ex tripode locutus.*

Ex.

Exanimat & interimit animantes Apollo, cum iis pestilentiam per intemperiem caloris immittit. Hinc est quod arcu & sagittis hujus Dei simulachrum decoratur. Sed quoniam idem author est, & publicæ fospitatis, quam solis temperies animantibus existimatur præstare, estque ea ferè perpetua: nam pestilentie casus rarior accidit; ideo Apollinis simulachrum dextra manu gratias gestabat, arcum cum sagittis sinistra, quæ ac si ad nocendum pigrior esset, Dextra vero ad salutem porrigendam promptior. Propterea huic quoque Deo medendi tribuerunt potestatem, sic scribit Macrobius 1. Satur. De gratiis dicetur suo loco, cap. 36.

Per Apollinis lyram ab humeris dependentem, & septem chordarum, tot coelestium sphaerarum motus intelliguntur, quibus Solem natura moderatorem constituit, inquit Macrobius.

Monstrum tribus capitibus insigne, huc tendit, quod cognominaverunt Apollinem pecoris antistitem, non ex officio pastorali, ut est in fabula per quam fingitur Admeti Regis pecora pavisse, sed quia Sol pascit omnia, quæ terra progenerat, qui propterea non unius generis,



sed omnium pecorum pastor canitur ab Homero, quibus invitis pastoribus & cane pastorali, lupus inimicatur & leo. Cleanthes quidam Apollinem Lycium nuncupatum testatur, quod veluti lupi pecora rapiunt, & oculorum acie noctis tenebras evincunt, ita ipse quoque humorem eripiat radiis, noctem illuminando die, Macrobius 1. Saturnal.

Scribit & idem Macrobius cap. 20. Apollini signum tricipitis animantis adjungi, scilicet leonis, canis, & lupi. Et leonis capite monstratur, inquit, præsens tempus, quia conditio ejus inter præteritum futurumque actu præsentis valida fervensque est. Sed præteritum tempus lupi capite signatur, quod memoria rerum transactarum rapitur & aufertur. Item canis blandientis effigies futuri temporis designat eventum, de quo nobis spes; licet incerta, blanditur, lege Macrobius qui docte illam rem tractat capite supra citato. Nisi illam rem in hoc flectere statuerimus: caput nempe leonis esse domum & exaltationem Solis, Caninum vero, stellam canis ferventissimam, quæ oritur 29. gradu, in quæ duo capita tertium penetret, quod est lupinum, cujus mentionem facit Cicero lib. 1. de natura

natura Deorum : quorum omnium unicus venter , id est confimilis fervor est suffultura. Adjiciamus & hoc , quòd Lycopolitana urbs Thebaidos , pari religione Apollinem , teste Macrobio , itemque lupum , in utroque tamen Solem venerans , colit.

Cauda serpentina , & sic intelligi potest , quòd sit cauda draconis , quæ more solari gradatim demigrat in omnia signa circuli animalis : hæc Anglicus lib. 8.

Laurus novem Musarum umbraculum , est in Apollinis tutela , & arbor potissimum huic Deo sacrata , ut Ovidius r. Transfor. Aut quia apud veteres maximo in honore fuit , dicata videlicet triumphis , & ante limina , ac in domibus Cæsarum , Pontificumque , & magnorum virorum feri solita : aut quia spectatissima est in monte Parnasso , qui Apollini dicatus erat. Vel quia hæc sola arbor ex omnibus manu satis & in domos receptis , non icitur fulmine : unde Tiberium principem tonante cælo coronari ea solitum ferunt contra fulminum motus : vide Plinium lib. 15 cap. 30. Hinc Lippius :

*Missa triumphalem non tangunt fulmina laurum ,*

*Cingant belligeri tempora lata Duces.*

Laurum præterea Apollini sacram scribit Cœlius lib. 3. quòd habeat rerum futurarum præfensionem quandam. Siquidem nil crepitantius uritur, unde si crepuisset abunde, ac sonantius, haud dubie portendi felicitatem rebantur: quod significat hoc versiculo Elegiographus Tibullus:

*Laurus ubi bona signa dedit gaudete coloni.*

Ediverſo autem ſi tacita conflagraſſet, inauſpicatiſſimum arbitrabantur, quod approbat Propertius:

*Et tacet extincto laurus aduſta foco.*

Plerique tamen inquit Cœlius, opinantur lauri folia ſi noctu pulvillo ſubjiciantur, veritatem ſomniorum conciliare.

Conſueverunt præterea lauro coronari Poëtæ, qui ut Apollo, in cujus præſidio tuentur, vates quoque à vaticinando dicuntur. Sed cur hac coronentur, Primum eſt, quòd Apollinis fuerunt filii: ſecundum, quòd ſemper eorum viret memoria inſtar lauri ſemper virentis: hoc eleganter exprimit Octavius Cleophilus hiſ verſibus, quando alloquitur Muſam:

*Tunc*

*Tunc ego dic inquam, vates cur tempora  
lauro,*

*Atque hedera duplici fronde revincta  
gerunt?*

*Numen idem (sic respondit) quia Phœ-  
bus & audax*

*Bacchus, & Aonio cultus uterque ju-  
go,*

*Hic virides hederas, lauros habet ille vi-  
rentes,*

*Pulchra per amborum tempora serpi-  
honos.*

*Sic vatum cunctos stat, gloria celsa per  
annos,*

*Usque virens nullos arida facta dies.*

Novem Musarum quare choragus Apol-  
lo dicatur, require in capite de Musis 52.

Corvus propterea Apollini videtur a-  
desse; quia in hanc avem se mutavit il-  
le Deus, ut Ovidius scribit in 5. Trans-  
for. Sive quòd corvus veneno infectus  
sibi lauro succurrit, dicente Plinio lib.  
8. cap. 27. Vel quòd illa avis futuræ  
tempestatis est vates: dicit enim Plinius  
libro 19. cap. 35. *Corvi singultu quo-  
dam latrantes, seque concutientes, si  
continuabunt, ventos: si vero carptim  
vocem resorbebunt, ventosum imbrem*

*prænuntiant.* Aut ad fabulam convenire videtur, quæ est in 2. Ovidiano Transforma. quum corvus candidus ob indicium quod Apollini dedecrat de Coronide, est conversus in nigrum. Reperiuntur plura de corvo apud Plinium lib. 10. cap. 12.

Pythonis transfossi ab Apolline fabula non abhorret ab intellectu naturalis arcani, ait Macrobius qui rem illam multis tractat lib. 1. Satur. cap. 17. circa finem.

*Imaginis, quæ est ex Macrobio  
explanatio.*

Radios in terram superne jaci barba demissa signat. Calathus aureus surgens in altum, monstrat ætheris summum: unde Solis creditur esse substantia: hastæ atque lorice argumento, imago adjungitur Martis, quem eundem ac Solem esse constat, ut sit manifestum cuncta submitti hujus syderis potestati: unde victoriæ quoque signum præsto est. Floris species, florẽm rerum protestatur, quas hic Deus inseminat, progenerat, nutrit, fovet, maturatque. Species foeminea terræ imago est, quam Sol desuper illustrat. Gorgonea vestis, quod Minerva  
quam

quam huius præsidem accipimus, Solis virtus sit: sicut & Porphyrius testatur, Minervam esse virtutem Solis, quæ humanis mentibus prudentiam subministrat: Nam ideo hæc Dea Jovis capite prognata memoratur, id est, de summa ætheris parte edita, unde origo Solis est. Aquila propter altissimam velocitatem volatus, altitudinem Solis designat. Draconis autem effigies, flexuosum iter syderis: hæc Macrobius lib. primo Saturnaliorum, cap. decimosextimo.

## DE VENERE.

### CAPUT VI.

#### *De nomine Veneris.*

**Q**uod ad omnes res veniat dicta est Venus: & non à venustate ut quidam volunt: quoniam ex ea potius venustas quam Venus à venustate venit, sic Cicero lib. 2. de nat. Deorum. Multis tamen aliis nominibus gaudebat hæc Dea vocari, Libitina videlicet, quoniam Venerem non solum præsidem natalium, sed etiam mortis Deam, ut maximam Parcarum natu sunt venerati an-

tiquitus. Siquidem in æde Libitinæ omnia quæ ad sepulturam pertinebant vendere consueverant veteres, Libitinam non aliud esse quàm Venerem existimantes. Hoc argumento, humanæ fragilitatis unam eandemque Deam principium ac finem inferre credentes. Item in Samo Venus nuncupabatur Dexicreontis, quoniam Nauclerus quidam Dexicreon, cum negociandi causa navigaret ad Cyprum, ei vero jamjam onus in navem imposituro, Venerem iussisse ferunt, aquam tantum in navem imponderet, statimque solveret. Illum vero dicto audientem fuisse, & comportata in navim aqua, profectum summæ tranquillitate, sitientibus reliquis & mercatoribus & nautis aquam singulis venundatam multum inde argenti collegisse, exque eo statua Deæ posita, illam à suo nomine appellasse, hæc Cælius lib. 16. Et dicebatur aliquando Philomedeæ, quòd ex Cœli pudendis, quæ *μυδæα* vocant, nata esset, teste Cœlio libro 16. cap. 18. Unde etiam Aphrodite nuncupatur.

*De Veneris simulachro.*

In veterum monumentis statuam Veneris sic formatam legimus: superior corporis



poris pars cingulo tenus maris barbati præferebat effigiem, mulieris autem inferior, habens in dextra concham cum pectine, in sinistra caliptram ac pedicæ, coronata rubeis rosis, & stipata ab uno latere tribus juvenculis nudis, quarum duæ versus spectatores conversæ, una in contrarium: ab altero Vulcano, passeribus, columbis & cygnis mixtim volantibus, Cupidine cæco, & alato, qui partim arcu sequi videbatur Apollinem, partim in fugam conversus, inclinabat se ad Martis sinum, dextro pede suffulta coclea, sinistro autem hirco.

*Quomodo symbolice intelligendum  
hoc simulachrum.*

Idco superiora corporis cingulo tenus maris præferebant effigiem, foeminæ inferiora, quia Venerem omnis generationis ut authorem & præsidem venerati sunt veteres, teste Cœlio lib. 16.

Concha marina Mythologice Veneri adscripta, ad generationem suam refertur, quia ex maris spuma nata fertur: unde Aphrodite Veneris nomen; & Aphrodisia, opera lasciva & amatoria dicuntur: Aprodifium quoque iurandum, pro vano, momenti nullius, & irritum,



irrito ; quodque nihil ad Deos pertinet :  
ut Ovidius.

*Juppiter ex alto perjuria ridet amantum.*

Sed maris spuma, inquit Aristoteles ad spermatis naturam, quæ est spumosa, vergit, unde Venus enata recte dicetur.

Veneris statua pectine formata id habet, quod Romanis aliquando mulieribus pestilens obrepserit pruritus, & talis, ut excidentibus pilis omnibus nullus amplius fuerit usus pectinum. Cum autem ille defectus admodum deformis, & mulieribus aliàs molliculis ingratus esset, Veneri nuncupatis votis rursus succrevisse pilos ferunt : quo nomine simulachrum illi cum pectine statuerunt : Cœlius.

Caliptra, mulieris castæ constantiam adversus procos & cohabitantes designat. Sed pedicas habere dicitur Venus, quod velut quoddam vinculum mulieris saltem aspectus, viros capiat. Hinc apud Erasmus elegans est proverbium, *Mulieris oculus*, quod significat oculos esse retia & omnium cupiditatum quasi authores. Unde Democritum sibi met oculos ademisisse ajunt, tanquam vanitatis illices.

Cur Venus coronata sit rubeis rosis,

scri-

scribit Jovianus Pontanus hoc carmine  
ex primo Eridani :

*Pectebat Cytharea comas , madidumque  
capillum*

*Siccabat , Charites carmina lecta ca-  
nunt .*

*Ad cantum Satyri properant , ad carmi-  
na Nympha ,*

*Carmina de tacitis sapibus hausta bi-  
bunt .*

*Hinc aliquis petulans ausus prodire , Dio-  
nem*

*Intuitur , docta dum linit ora manu ,  
Erubuit pudibunda , ruborque per ora  
cucurrit .*

*Occupat & teneras purpura grata ge-  
nas .*

*Mox interque rosas , interque roseta resu-  
git ,*

*Delitet , & molles spirat ab ore crocos :  
Dum spirat , funditque crocos , dum pur-  
pura fulget ,*

*Concipit afflatus , Dadala terra Dea .*

*Hinc & purpureum flores traxere colorem ,*

*Queque prius candor purpura facta ro-  
sa est .*

*Atas legite his tenere crines ornate pu-  
elle ,*

*Pastano niteat lucida rore coma,  
Vere rosas, æstate rosas diffundite Diva.  
Spirent templa rosas, ipse & olete ro-  
sas.*

Quid præterea tres juvenculæ sibi velint,  
dicetur in capite de Gratiis. 34.

Eam autem circumvolitant passeres, quia  
Venerem à passeribus subvehi Scribunt  
Authores, nam avis est libidinis effêratæ.  
Quapropter ex Græcis sc notassê Cœlius  
inquit, passeribus vescentes 'Epicathapho-  
ros, id est procliviores in Venerem fieri.

Adsunt præterea columbæ candidæ &  
cygni, Deæ candidæ ac venustissimæ ho-  
locaustum, quòd semper similia simili-  
bus gaudeant: sive propter albedinem,  
quæ lauticiam muliebrem aut dulcissi-  
mum cantum demonstrat, dicente Man-  
cinello: siquidem amantium animos can-  
tu trahi compertum est. Sed autore Ser-  
vio, propter frequentem & coitum Ve-  
neri consecrata est columba. Verum La-  
ctantius Grammaticus tradit hac de causa  
Veneri adscriptam illam avem, cum Ve-  
nus & Cupido lasciva contentione certa-  
rent, uter plures sibi flores colligeret,  
& Cupido alijs adjutus Venerem supera-  
ret, Peristera Nympha accurrit, & adju-  
vando

vando Venerem superiorem effecit : unde indignatus Cupido mutavit eam in avem , quam Græci *peristeram* appellant, Latini *columbam*. Venus autem ut honore pœnam minueret, hanc in tutelam suam accepit.

Veneris currum à Vulcano (qui jure matrimoniali astat) factum, graphice describit Apulejus de asino aureo lib. 6. Apollinem arcu petens Cupido, in matris suæ gratiam, videbatur armis instructus: quod hic Deus id est Sol, adulterium cum Marte primus vidisset, quemadmodum Ovid. 1. transfor. indicat:

*Primus adulterium Veneris cum Marte  
putatur.*

*Hic vidisse Deus, videt hic Deus omnia  
primus.*

Et sic Plinius lib. 2. Solem commendans ait: *Hic suum lumen ceteris quoque syderibus fœnerat, præclarus, eximius, omnia intuens primus, omnia etiam exaudiens.* Non tamen absurde admodum fabulati sunt, qui Venerem cum Marte concubuisse dixerunt, siquidem vel masculinum vel foemininum affectant congressum qui bellaces sunt, ait Macrobius. Sed & hoc addunt Platonici, concupiscendi

scendi & irascendi vires esse quasi germanas : nam proclives ad libidinem , sunt etiam ad iram propensiores : atque vicissim ad libidinem , iracundi : Hæc Cœlius. Quare Cupido cæcus & alatus , quære in capite Cupido 10.

Testudo sub pede est silentii symbolon , commonstrans muliebris esse ornatus taciturnitatem : *uxorum quippe decus est , aut cum marito* (inquit Erasmus) *aut per maritum loqui.* Inde Ægyptiis mulieribus uti calceis , non fuit patrii moris , ut ita domi se continere quodammodo cogerentur : vide Ludovicum Cœl. lib. 6.

Hirci autem quæ sit ratio nusquam reperi , facio tamen conjecturam ad mulieris libidinem pedibus supprimendam , id esse excogitatum : est enim nota hircorum libido , vide Erasmus in proverbiiis. *Annus hircifans.*

## DE MERCURIO.

### CAPUT VII.

*De nomine Mercurii.*

**M**ercurius in ordine sextus planetarum est , unde ab antiquis , teste Al-

Albrico , sextus Deus vocabatur. Is à merce , ut quidam volunt , nomen habet , quoniam mercatorum finge batur Deus , quamvis alii quasi medium currentem , quòd sermo currat inter homines medius. Unde à Græcis Hermes , quod est interpret vocabatur , Deorum siquidem fuerat interpret.

*De simulachro Mercurii.*

Mercurii simulachrum erat homo tri ceps , pedibus alatis , portans sopiferæ virtutis baculum , accinctus gladio hama to , & fistula de calamo facta , tectus item pileo albi & nigri coloris. Astabat illi præterea gallus gallinaceus , & argus decollatus à dextro latere , à sinistro au tem viri portantis tabulam & loculum levo lacerto effigies , cui alter quidam adjunctus , peram abscindebat.

*Expositio.*

Triceps finge batur Mercurius , vel quòd plurimam vim habeat oratio cui præsidet : vel quòd idem Deus index viæ habebatur antiquitus. Proinde in singulis capitibus inscriptionem habebat quo duceret hæc via , quorsum illa , testis Erasmus.

Alatus

Alatus est Mercurius, vel quia cito recurrit in ortum suum, vel quia volucer sermo per aërem fertur, juxta illud Horatianum :

*Et semel emissum volat irrevocabile verbum.*

Aut ob Solis velocitatem secundum Macrobius, qui Mercurium & Apollinem unum esse Deum scribit : nisi ad negotiatorum agilitatem, quibus colebatur Idibus Majis velimus referri, de qua Flaccus in 1. Epistolarum :

*Impiger extremos currit mercator ad Indos,  
Per mare pauperiem fugiens, per saxa,  
per ignes.*

Fuit præterea Deorum nuntius, cujus officium erat subinde talaria induere, hoc est celeriter sursum deorsumque quasi volans currere.

Huic virgam tribuerunt sopiferam, hoc est caduceum, cujus sic Homerus ultimo Iliados meminit :

*Mox ubi jam pedibus talaria subdidit  
aurea,*

*Tum virgam capit, hac demulcet lumina  
somno*

*Quorum cunque velit, somnum quoque  
pellit eadem.*

**Hunc**



Hunc imitatus Maro, sic ejusdem caduceum describens quarto Æneidos :

*Tum virgam capit; hac animos ille evocat orco*

*Pallentes, alias sub tristia tartara mittit,  
Dat somnos, adimitque, & lumina morte resignat.*

Fuit autem hæc virga belli finiti symbolum : nam quia Mercurius orationis Deus, & Deorum nuntius merito à Diis mittebatur, ut dissidentium animos fœderaret. Hinc legati pacis Caduceatores dicti: sicut enim per fœciales bella indicabantur, ita per caduceatores finiebantur.

Caduceum Ægyptii in speciem draconum maris & fœminæ conjunctorum figuraverunt, & Mercurio consecrarunt. Hi dracones parte media voluminis sui, nodo (quem vocant Herculis) invicem obligantur, primæque partes eorum reflexæ in circulum præssis osculis ambitum circuli jungunt, & post nodum caudæ revocantur ad capulum caducei, sic Macrobius lib. 1. Satur. cap. 19.

Causam autem cur exteræ gentes caduceum in pace tractanda circumdata anguium effigie fecerint, quidam hanc esse



tradunt , cum Mercurius lyram in Cylene monte Arcadiæ septichordam ad Atlantidum numerum instituisset , quòd Maja mater ejus ex illarum numero esset ; Ac non multo post deprehensus ab Apolline fuisset boves suas abigere , quo facilius veniam ab eo impetraret , Apollini traditur concessisse , ut lyram à se primo inventam prædicaret : propter quod Apollinem ferunt virgam quandam Mercurio dono dedisse , quam cum manu tenens in Arcadium proficisceretur , inventos ab eo fuisse dracones duos simul ligatos , & inter se mutuo pugnantes : quo viso virgam interposuisse , & dicto citius prælium diremissee. Eo facto hujusmodi virgam pacis gratia dixit esse constitutam : & hujus rei exemplo virgam postea duorum draconum similitudine finxerunt , eamque & in palæstra & in reliquis certaminibus usi sunt ad prælium dirimendum. Plinius alia recenset lib. 29. cap. 3. Aliter tamen de Corycio , hoc est caduceo scribit Coelius quum dicit : *Corycium erat lignum rectum , utrinque duos continens serpentes implexos invicem , ita ut se mutuo & ex adversum intuerentur. Lignum autem rectum symbolice & aperte orationis re-*  
*stitu-*

*Etitudinem significat: serpentes vero impliciti, castra castris juncta nobis innuntunt occultius. Quibus se dissidentes conciliatura voluntates, orationis inserit virtus, hæc Cœlius lib. 11. cap. 50. Et ibi quoque hastam & caduceum mittere, pro hoc quod est aut bellum aut pacem amplexari positum, reperies: cujus etiam meminit A. Gellius lib. 11. cap. 27. Caducei tamen argumentum ad genituram hominum (quæ genesis appellatur à Macrobio) referri non planè videtur absurdum, quoniam homini nascenti quatuor adesse memorant Ægyptii, Solem videlicet, qui autor spiritus, caloris ac luminis, unde humanæ vitæ genitor & custos dictus: Lunam quæ corporum est præsul, quæ fortuitorum varietate jactantur: Osculum, quod amoris est index: Et necessitatem quæ in nodo apparet, hæc Macrobius. De Caduceo lege Erasmi proverbia: *Cassioticus nodus, & Virgula divina.**

Gladio hamato, quem Harpen vocant: unde Mercurius Harpedophorus dicitur, fuit in necem Argi accinctus. Quid fabula Argi, quære in cap. Argus. 52. Fistula, teste Albrico, orationis dulcedinem notat.

Capitis tegumentum album & nigrum, recti & pravi signat discrimen, in cuius ipsi quibus præsidet, negociatores sunt uberioris intellectus quàm cæteri homines, qui etiam (cum libitum est) album in nigrum, & nigrum in album vertunt. Vel ut Plautinus amator ait, *pactum non pactum, non pactum pactum esse faciunt.* Vide Erasmus in adagio; *quid album, quid nigrum novit.* Nisi hos duos colores duplici potestati attribuendos censeamus, cœlesti videlicet & infernali, quoniam Mercurium Ægyptii Solem crediderunt, cuius dominium cœlum & terras moderatur, quod Macrobius notat in primo Saturnaliorum.

Gallus gallinaceus Mercurii est affessor, quod etiam Lucianus in Gallo testatur: est enim temporis ales. Et Mercurius, ut Strabo geograph. 17. scribit, à sacerdotibus Thebanorum temporis ordinem calluisse dictus est.

Vir loculo tabulaque insignis, mercatores qui huic Deo sacri dicebantur, repræsentat, quorum officium est id agere, quod scribit Horatius 1. Epistolarum Epist. 1. Alter autem, fures, qui peculiariter Mercurium tutelarem sibi habebant, innuit. Quòd item Mercurius fur-  
tum

tum exercuerit , frequenter scribit Homerus & Lucianus : apud nos Horatius Odarum lib. 1. oda. decima.

# DE DIANA SIVE LUNA.

## CAPUT VIII.

*De nomine Dianæ.*

**D**iana quæ ultimum planetarum fortitur locum , idcirco sic appellata est , quod quasi diem noctu efficiat , seu quasi Duana , quòd duobus temporibus , die scilicet nocteque appareat , ut Cicero de nat. Deorum. Hæc creditur Luna quoque dicta , quod noctu sola luceat , quasi lucens una , ut Anglicus scribit. Unde in palatio noctiluca vocabatur , quod ibi noctu templum ejus luceret. Vel quod lumen à Sole acciperet , propter quod etiam Græci Selenen hanc Deam vocant , dicit Cœlius lib. 10. Dicebatur præterea Juno Lucina : Juno , à juvando : Lucina , sive quod partum in lucem prodat , sive ( ut Plinius sentit ) quòd oculis præsit & luci : Sive à luo , quem Romæ in exquiliis habebat. Item

Proserpina , à serpendo , quoniam proserpere & serpere dixerunt veteres. Serpere enim Luna videtur, dum modo in dextram , modo in sinistram partem movetur , propter quod etiam omnivaga nuncupatur. Et etiam Hecate, quia Proserpina vel centum victimis placaretur , ut instituit Menelaus : vel centum annos errare faceret insepultos, vide Coelum lib. 10. cap. 6. Scribit eam Macrobius Artemim quoque vocari, quasi aërem secantem.

*De simulachro Diana.*

His lineamentis ductum erat Dianæ simulachrum : pingebatur matronæ juvenis instar tribus capitibus, dissolutis crinibus, arcu tenso, sagittis, insequuturæ cervos , & caput cornutum in hasta ferentis , cui à dextra stabant Dryades , Hamadryades, Najades, & Nereides cum Satyris : à sinistra autem navis cum homine velificante in mari.

*Simulachri Allegoria.*

Fingebatur autem juvenilis Dianæ figura , quia ea ætas fortis est ad tollendam viam , & minime tediosa laboris , cujus venatio ubertim scatet , utpote cui  
nec

nec ullus montium videatur arduus, nec ulla via sit scrupulosa, neque ullum tempestatis genus ingratum: Quod Cicero lib. 2. Tuscu. question. notat: *Consuetudinis inquit magna vis est, pernoctant venatores in nive, uri se patiuntur &c.* Venationis autem habebatur Dea Hecate, quod retia ad venandum invenisset, ut Diodorus scribit libro sexto.

Tres habuisse formas creditur Diana, quod triviis præesset, unde Trivia dicebatur antiquitus. Ovidius:

*Ora vides Hecates tres in vergentia partes  
Servet ut in ternas compita secta vias.*

Coelius autem censet aliter accipiendum illud figmentum: tria enim capita præsentis Lune complectuntur typum ait, qua cum surgit in cornua falcata dicitur; Quum circumagitur in orbem, tunc plena: quando vero dimidio orbe, cesa, ut cum aqua proportionem dividitur.

Caput cornutum in hasta, ritum antiquorum venatorum exprimit, qui post felicem venationis eventum huic Dæe partem prædæ consueverant offerre: Unde Papinius.

*Et dives præda tamen accipit omni  
Exuvias Diana tholo.*

Sylvarum, montium, fontium, & fluviorum habita est Dea, quia paucarum virginum comitatu contenta, perpetuæ virginitatis in sylvis vivendo votum fecerat, unde tale secum habebat satellitium. Vel quia feris de nocte pascua quærentibus in nemoribus & in sylvis, administrat luminis beneficium Luna: venationis eam dixerunt esse numen, teste Anglico.

Navis à dextra, prospere aut contrarie navigationis illam Deam indicat fuisse vatem: Sic enim Beda ait, „Si Luna „in principio rubeat ut aurum, ventos „ostendit: si in summo ejus corniculo „maculis quibusdam nigrescit, pluviosum „mensis exordium prætendit. Si vero nigrescit in medio, plenilunium serenum. „Cum autem in nocturna navigatione scintillat ad remos, in brevi tempestas futura erit: Colebatur igitur à nautis tanquam utriusque navigationis divinatricis, nisi illud picturæ ad Charontis referatur navigium.

## LECTORI S.

**H**is quidem Colophonem imposuimus Diis, quos nostræ vitæ columnas sive Colloſſos recte vocaveris, (candide Lector) quoniam sic desuper agunt in corpora inferiora Planetæ, ut si ætus eorum quiesceret, vivere cessarent animantia. At nunc alios suis coloribus quasi pœnicillo formatos subjungam, adeo liquidas & salubres humanæ vitæ scaturigines, ut Pythagoricus quaternio, unde vitam haurire solemus esse fons ejus effectus cessat. Ceres enim quæ prima est, corpus, ne glandibus (porcorum edulio) vescatur, pane saginatum efficit. Bacchus ex ardore suo, ut facile in libidinem despumat: unde non minus vere quàm eleganter Comicus ait: *Sine Cere & Baccho friget Venus.* Cupido lasciviendi immittit flagrantia tela, quæ Priapus maturat ad prolem, quam Flora numerosam facit & multiplicem. Pluto numen opulentiæ nutrit atque fovet. Et tandem singuli ferè (nam uniuscujusque effectus singulatim enumerare tædiosum esset) hominibus commodum, quod nequaquam in fabis reperiās, subministrant.



Quæso tamen optime Lector, ne hisce Dæmonibus tantas adscripsisse virtutes ægre feras: sicut solent qui ex tenui musica Elephantum Indicum formare nituntur, quod usitassimum est negociatoribus: juxta illud:

*Laudat venales qui vult extrudere merces.*

Vale candide Lector.

C E R E S .

C A P U T IX.

*De nomine Cereris.*

Ceres à gerendis frugibus prima litera propter affinitatem mutata, ut scribit Cicero de nat. Deorum, est dicta. Ea quippe frugum prima intulit usum, quibus nondum inventis, homines vescabantur glandibus: quod eleganter exprimit in 5. Transfor. Ovid:

*Prima Ceres unco glebam dimovit aratro,  
Prima dedit fruges alimenta que mîta ter-  
ris.*

Ipsa quod leges prima invenisset, Thesmophora, id est legifera, & ejus sacra, quæ nos Cerealia, Thesmophorea dicebantur apud Græcos, quoniam ante frum-

men-

mentum inventum, homines sine lege vagabantur: illo vero invento abjecta feritas est, & ex agrorum divisione primo nata sunt jura. Hinc Naso:

*Prima dedit leges, Cereris sunt omnia munus.*

Acreo quidam testatur esse dictam, quasi omnium frugum creatricem.

*Pictura Cereris.*

Taliter pingebatur Ceres, in figura matrone præcinctæ, pannosæ & ocreis indutæ equitantis bovem, animal natum aratro, habens dextra manu ligonem, in brachio calathum seminibus distentum: in manu autem sinistra tenebat falcem messoriam, & baculum terendis frugibus convenientem, à quo etiam latere duo erant agricolæ, quorum unus metebat, & alius triturbabat: Inter duas præterea arbores stabat ejus simulacri pictura pomis onustas, cum Junonis mittentis per sata imbrem, & Apollinis exsiccantis segetes metendas, effigie.

*Explanatio formæ.*

Omnia hæc rusticanæ rei typum præferunt, nihil tamen ad rem, neque ligo,  
non

non item calathus , vel arbores foetose , si Junonis , id est aëris desit temperatūra : si denique Apollinis numen , hoc est Solis cursum , qui omnia , quæ ratione divina creantur , dispensat , atque ut cor-  
cœli cum Jovis sorore & conjuge singula componit atque ordinat : Unde jure dicetur Sol temperatio mundi , non solum terram , sed ipsum quoque cœlum , quod vere mundus vocatur , temperans , quemadmodum Macrobius lib. 1. de somnio Scipionis.

## DE BACCHO.

### CAPUT. X.

#### *De nomine Bacchi.*

**B**acchus filius Jovis & Semeles , quem , cum vini attenderent virtutem homines , cuius dederat ipse principium , uti Deum in natura coluerunt. Dictus est ab infaniendo , quod & ipse & ejus comites furere viderentur : vel à baculo ab eo invento , quo vino graves , ne cadant , suffulciuntur. Hunc Liberum quoque vocant , non ob licentiam linguæ , ut Seneca refert , sed quia liberat , asserit-  
que

que animos à servitute curarum. Quod  
& hoc Lyrici Poëtæ carmen fatetur:

*Curas edaces dissipat Ennius.*

Vel à solutione in quam in scemore Jovis immaturus infans fertur insutus fuisse. Aut quia Sol vagus igneas habenas immit- tit, ac terre propius jungit, quoniam Euripides Apollinem ac Liberum unum, eundemque Deum esse fatetur: Unde Thraces Liberum summa religione vene- rantes, ædem ei dicatam habebant, spe- cie rotunda, cujus medium tectum pa- tebat. Ædis autem rotunditas Solis spe- ciem monstrabat: tecto vero summo lu- men admissum, ut appareret Solem cun- cta vertice suo radiorum immissione lu- strare. Hinc Orpheus Liberum Patrem Phaneta appellat: à lumine atque illu- minatione, quia Sol cunctis visitur, cun- cta conspiciens. Item Dionysium Physi- ci dictum affirmant, quasi Jovis men- tem, quia Solem mundi dixerunt men- tem: mundus autem vocatur cœlum, quod appellant Jovem. Elileum præte- rea, ab ἐλελεῦ adhortantis adverbio, quo procedentes ad Orgia celebranda uteban- tur antiquitus. Quoniam adhortatur vi- num & reddit hominem ad omnia ag- gredienda audacem, Unde Horatius:

*Quid*

*Quid non ebrietas designat? operta reclu-  
dit,*

*Spes jubet esse ratas, ad praelia trudit  
inermem,*

*Sollicitis animis onus eximit, ac docet  
artes.*

*Fœcundi calices quem non fecere disertum?*

*Contracta quem non in paupertate solutum?*

Hæc de Bacchi nomine, tu si alia petis,  
legito Macrobius lib. 1. Satur. cap. 18.  
ubi multa ex his quæ nunc scripsimus &  
alia plura invenies. Naso etiam in. 4.  
Transfor. Bacchi nomina digito mon-  
strat. Nunc ad effigiem.

*De effigie Bacchi.*

Effigies Bacchi ducta erat partim pu-  
erili ætate, corona ex hedera facta: par-  
tim juvenili; & barba in pectus vergen-  
te, cui aliquid adhærere videbatur senii.  
Hæc autem effigies nunc erat cornuta,  
ferox & crudelis, nunc sine cornibus,  
& mulieris instar coronatæ vitibus, in  
dextra ferulam, qua asinum astantem fla-  
gris afficeret, in sinistra cantharum.  
juxta se simiam, porcum & leonem ha-  
bens. Sedebat hæc effigies in curru,  
quem equorum loco Lynces & Tygres  
vehebant.

*Allegoria.*

Diversitas ætatum ad Solem procul dubio refertur, ut parvulus videatur hyemali solstitio, cum dies brevissimi sunt. Adolescens, vernali æquinoctio, cum jam dies sunt longiores: plenissimæ barbae effigie solstitio æstivo, quando sunt longissimi: senex postquam Sol retrocedere ac paulatim vires amittere incipit: ita Macrobius. 1. Saturna. qui, ut antea dictum est de Euripide, consimiliter Liberum patrem Solem esse credidit, quorum sententiam Virgilius Georg. sequitur, scribens:

- - - - - *Vos ò clarissima mundi  
Lumina labentem cælo quæ ducitis an-  
num,  
Liber & alma Ceres.*

Bacchi forma ideo hedera coronata fuit; quòd ipsum primum omnium capiti suo coronam ex hedera imposuisse ferunt Græci, ut Plinius lib. 10. cap. 5. tradit, quem post Alexander Victor imitatus, cum exercitu coronato ex India rediit, eodem Plinio dicente.

Facies nunc cornuta & ferox, ut Sextus Pom. scribit, Baccho attribuitur, quòd

quòd homines nimio vino truces nihil consulte, nihilque moderate faciunt, sed cum impetu, etiam inermes ad conflictum profiliant, cui Ovidius eleganter subscribit:

*Nox, & amor, vinumque nihil moderabile suadent:*

*Illa pudore vacat, liber amorque metu.*

Unde Solon unus e septem sapientibus, morte principem esse mulctandum lege sanxit, si deprehenderetur ebrius, quoniam is voluntario furore ad omnigenas temeritates & bella cornibus acutis esset obarmatus. Diodorus tamen lib. 5. scribit: *Cornua ob id sunt Baccho attributa, quòd primus omnium boves aratro iunxerit, quorum opera jacta semina fruges emisserunt.*

Sine cornibus imago muliebris, significat modice sumpto vino homines fieri hilares, rimarum plenos, leves & prorsus ad naturas mulierum promptos, quibus innata apparet cum ebriis arcani eliminatio, Hinc Plinius lib. 14. cap. 22. vinum dicit usque adeo mentis arcana proderc, ut mortifera etiam inter pocula loquantur homines, & ne per jugulum quidem nunquam redituras voces contineant,

neant, quemadmodum mulieres quæ natura sunt loquaces, ut Comicus ait. Videtur & levitas sive perjurium probe potius, & mulieribus commune esse vitium, quod eleganter declarat Græcorum senarius :

*Inscribe vino si qua jurat sæmina.*

Innuens irrita esse solere quæcunque aut ab ebriis aut à foeminis dicantur, quas tali elogio Poëta commendat :

*Verba puellarum foliis leviora caducis.*

Ferulam & oblivionem Baccho consecratas, ait Erasmus in proverb. Memorem odi compotorem : nimirum per hoc indicans non oportere meminisse si quid in convivio peccatum sit. Aut certe levem admodum ac puerilem reprehensionem sufficere. Nam ferula pueros cædi solitos, vel Juvenalis indicat : Et nos ergo manum ferulæ subducimus.

Asinus adstat, propterea quod ferulæ sunt gratissimæ in pabulo asinis, cæteris vero jumentis præsentaneum venenum, ita proditum est lib. 24. Plinii cap. 1.

Cantharus Libero patri attribuebatur, teste Plinio lib. 34. cap. 11. quemadmodum Scyphus Herculi, Jovi Carchæ-



sum, & amphora Nestori, quod hisce vasculis usi essent aut in sacrificiis aut in conviviis.

Quid de tribus animalibus mythologicum veri habeat monstrant natura & conditiones eorum. Quemadmodum enim simia etiamsi aurea gestet insignia, nihil extra suam naturam nec facere quidem potest, sed semper manet quod est, ut eleganter exprimit Lucianus in quodam apologo de simiis Ægyptiacis. Ita quicquid in natura conditum temulenti, non fortunæ ornamentis, nec magna vi cædari potest. Quoniam Bacchi ingenium tollit animi fucum, veritatis simia ostensa: unde Theognis hoc celebratissimum extat:

*Aurum atque argentum fabris dignoscitur  
igni,*

*Vinum hominis prodens arguit ingenium.*

Apud Erasimum legito proverb. In vino veritas, ubi eleganter illam rem (ut omnia solet) exprimit.

Porci præsentia huc nimium quadrare videtur, quia hoc sordidum animal ructus, qui inter ebrios audiuntur, bombos ventris & ea, quæ reponunt aſoti, quorum Cicero meminit lib. 2. de finibus, in delitiis habeat, vel ob jecoris magnitudi-

tudinem, quæ sedes est concupiscentiæ ac libidinis vel ob narium crassitudinem & olfactum hebetem, qui ne fetore offendatur impedimento est.

Porro leo ebrietatis indicat tyrannidem, ex qua ebrii inermes ad prælia insurgunt, quod in Laphitarum manifestum est certamine: & in hoc Pliniano ex 14. Vinum atrocia mala, sceleraque perficit. Sic igitur tres antiqui habuerunt species temulentiae, Simiam, quæ etiam apud nos omne in se contentum aperit & manifestat: Porcinam, quæ ut quod semel ingurgitatum fuerat reponere, & hoc rursus porcos acarnanios deglutire facit: Leoniam, quæ mentis expers judicabatur, unde voluntarii furoris eam dicebant esse gradum. Durat & hodie vulgo proverbium, non audiri verum nisi à tribus hominum generibus, pueris, ebriis, & insanis, ad quod illa animalium diversitas (si libeat) comparari potest. Tu tamen, candide lector, si meliorem hujus figmenti sciveris expositionem, ungue meam susque deque feram notari: Lynces & Tygres Baccho videntur assignari, teste Probo, ut per earum colorem in vino varias hominum esse mentes intelligamus: vel ut per eas sævitia

demonstretur, quòd quidam poti infinitam excedunt crudelitatem: Aut quia utrunque hoc animal uvis pascitur, ut tradit Solims.

## DE CUPIDINE.

### CAPUT XI.

#### *De nomine Cupidinis.*

Cupidines tres fuisse Cicero scribit; at ille cujus imago sequitur Veneris & Martis filius, numen amoris & voluptatis habebatur: unde hunc Diogenes nominare solebat vacantium occupationem, Virgilius in Bucolicis insanum amorem, sic:

*Nunc insanus amor dari me Martis in  
armis,*

*Tela inter media, atque adversos de-  
cinet hostes.*

Plato amorem terrestrem atque vulgarem, ob id autem vitandum esse cum tanquam humano generi perniciosum: Hujus imaginem taliter format Marullus, quam inter formandum quoque declarat.

*Una*

# MYTHOLOGICA. 69

Imago Cupidinis & declaratio.

*Quis puer hic? Veneris: plena qua causa  
pharetra est?*

*Non bene provisus certa quod arma movet.  
Cur sine veste? simplex puer odit opertum.*

*Unde puer? pueros quod facit ipse senes.*

*Quis pennas humeris dedit? inconstantia.  
quare*

*Nulla Deo frons est? signa inimica fugit.  
Qua sors eripuit lucem? immoderata libido.*

*Cur macies? vigilis cura, dolorque facit.*

*Quis cecum praeit? ebrietas, sopor, otia, luxus.*

*Qui comites? rixae, bella, odia, opprobrium.*

*Qui caelo dignati? homines. qua causa coëgit?*

*Mitior autore est eredita culpa Deo.*

*Hec curvum genus, & veri cordi inscia:  
quo ius*

*Fasque? scelus miseri si scelere abluimus.*

Aliter Æneas Silvius ad Carolum.

*Vidimus effigiem lascivi nuper amoris,*

*Quae nimium mentem movit imago meam.*

*Nec barbam malis, nec corpore tegmen ha-  
bebat:*

*Nudus verga, manus, pectora, crura  
pedes.*

*At humeris ole suberane, & flexilis arcus.*

*Lumina sub tenero caca supercilio.  
 Cur puer imberbes nulla lanugine malas,  
 Cur melius nulla corpora veste tegat,  
 Lumine cur careat, pharetram cur gestet &  
 arcum,*

*Cur habeat pennas Calliopea refer.  
 Sic ego, sic retulit quesitas illico causas  
 Maxima pegasei Calliopea chori.  
 Qui sapit, evitat malefana Cupidinis arma,  
 Et tantum pueros intrat ineptus amor:  
 Sive quod est puero similis, qui cepit amare,  
 Et perit mente, pingitur inde puer.  
 Pingitur & nudus, nullum servare pudorem,  
 Et meminit simplex & manifestus amans.  
 Pingitur & cecus, quid non bene cernit ho-  
 nestum,  
 Nec scit quo virtus, quo ferat error a-  
 mans:*

*Vel quia qua peccet credat secreta latere,  
 Cuncta nec in sese lumina versa videt.  
 Sic est omnis amans, sic omnia nescit  
 Consilium, famam, fœdera, jura, Deos.  
 Aurea quod curvo torquebat spicula cornu,  
 Pungere corda ferus significatur amor.  
 Quod levibus volucres humeris suspendeat alas,  
 Causa est huc illuc quod levis terrat amans,  
 Vel quod amor cursum non semper servat  
 eundem:*

*Nunc abit & parvas post redit inde moras.  
 Dixit*

*Dixerat & pressis commutuit orsa labellis,*

*Effudi tales protinus ore sonos,*

*Quam vidi effigiem pharetram gestabat &  
arcum,*

*Fax etiam in dextra, vel fuit ipsa sua,*

*Sed quoniam veterum finxere poemata vanum,*

*Quos ego quid temere commemorasse putem?*

*Dic quare nam tadas fertur gestare Cupido,*

*Dic precor armatas cur habet igne manus?*

*Quasitam verbis respondens Musa duobus,*

*Sic leviter causam reddidit, urit amor.*

*Accipe lascivi quanam sit amoris imago,*

*Carole cypriaci gloria magna soli,*

*Ut melius miserum, caveas dum noris amorem,*

*Et redeas ad te dum mea verba leges.*

## DE PRIAPO.

### CAPUT XII.

**L**ampfacum oppidum nobile est Hellesponti, inquit Strabo lib. 13. Geograph. Priapi Dionysii & Veneris filii, qui cum ob membri virilis magnitudinem solatium mulieribus afferret, civitate expulsus est, procedente tamen tem-

pore etiam externis mulieribus gratus, tandem inter numina, non solum in urbium templis, sed in agrestibus quoque locis tanquam vinearum atque hortorum custos colebatur, fructuum fures, Thesifalas mulieres & aves castigans atque arcens, quod Horatius lib. 1. Satyr. 8. notat his versibus Priapo loquente:

*Cum mihi non tantum furesque feraque  
sucta,*

*Hunc vexare locum, cura sint atque la-  
bori,*

*Quantum carminibus quae versant atque  
venenis*

*Humanos animos, has nullo perdere pos-  
sum*

*Nec cohibere modo.*

Scribit & Diodorus lib. 5. priscos, quum vellent hominum pudenda occultius nominare, Priapum nominasse.

*Priapi simulachrum.*

Hujus Dei simulachrum porrecto virili membro, ac nullis vestibus tecto fingebatur, cum asino astante.

*Simulachri expositio.*

Palus igitur ab inguine foecunditatem  
fig.

signat, cui etiam præesse dicebatur: unde numen hortorum esse meruit, quæ nunquam sine fructu reperiuntur. Quapropter hunc mulieres steriles pro fecunditate adorantes, ejus sacra cum risu & ludo habebant, quod illa inter adorandum petitio, non rata fieri posset sine membro admodum ridiculoso, ut citra risum non potuerit nominari. Præsto asinus est, quoniam huic Deo sacrificabant asinum macantes, quod in. 1. lib. Fast. Ovidius indicat:

*Ceditur & rigido custodi ruris asellus;  
Causa pudenda quidem est, sed tamen  
apta Deo.*

Hujus rei tamen causa est, quum Dii omnes Matris Magnæ festum convenissent, epulisque satiati, noctem ludendo ducerent, quievissè humi Vestam affirmat Ovidius, eamque Priapum ubi soporata animadvertit inire voluissè, sed in tempestivo clamore aselli, quo Silenus vehebatur, excitatam, libidinem insidiatoris detexissè, propter quod Lampface nos in ultionem facinoris asellum Priapo immolassè: & ut idem in posterum fieret instituisse, præfatus testatur autor.

Quare non tegat gestamen adeo obscenum.



num, aperit Virgilius his carminibus ex Priapeis:

*Cur obscœna mihi pars sit sine veste requiris?*

*Quaro tegat nullus cur sua signa Deus?*

*Fulmen habet mundi dominus, tenet illud aperte:*

*Non datur æquoreo fuscina tecta Deo;*

*Nec Mavors illum, per quem valet, occulit ensẽ,*

*Nec latet in tepido Palladis hasta sinu.*

*Num pudet auratas Phœbum portare sagittas?*

*Clam ne solet pharetram ferre Diana suam?*

*Num tegit Alcides nodosa robora clava?*

*Sub tunica virgam num Deus ales habet?*

*Quis Bacchum gracili vestem pratendere thyrsõ?*

*Quis te celata cum face vidit amor?*

*Nec mihi sit crimen quod mentula semper aperta est,*

*Hoc mihi si telum desit, inermis ero.*

## DE FLORA.

### CAPUT XIII.

**F**loram mulierem fuisse constat, quæ cum magnas opes quæstu meretricio quævisisset, populum Romanum scripsit hæc:

hæredem, certamque pecuniam reliquit, cujus ex annuofoenore natalis ejus celebraretur editione ludorum; quos Floralia dixerunt, in quibus mulieres nudæ verborum licentiam & obscœnitatem edebant, viros illicitis motibus saltando allicientes ad ultimam Veneris lineam, ut instar nascentium herbarum multiplicarent foetus. Quod, quia sēnatui Romano flagitiosum videbatur, ut scribit Lactantius, ab ipso nomine argumentum sumi placuit, ut pudendæ rei quædam dignitas adderetur, Deam esse finxerunt, quæ floribus præesset, quam Ovidius in quinto libro Fastorum Chlorin Zephyri uxorem vocat.

*Floræ imago.*

Hæc, teste Plutarcho, in Castoris & Pollucis templo simulachrum à Praxitele summa cum industria formatum habuit, multis coloribus tunica indutum, in cujus dextra flores erant fabarum & ciceris.

*Expositio.*

Quemadmodum in Cerealibus albo utebantur vestitu, quod unus esset maturæ segeti color: Ita in Floralibus verficolor, quod nullus color esset qui non inveneretur in floribus.

Prop.

Propterea vero habebat fabæ & ciceris florem, quia teste Porphyryone, spargebant annuatim in floralibus ædiles cicer & fabas tunicato popello, ut videlicet eam leguminis & florum agnoscerent productricem & Deam.

## DE PLUTONE.

### CAPUT XIV.

#### *De nomine Plutonis.*

**P**luti Saturni filio divitiarum nomen dederunt: Quippe *πλούτων* Græci divitias dicunt, quapropter & à nobis Dis, hoc est dives appellatur: & Dispater, quasi divitiarum pater. Namque terrenam omnem vim atque naturam, Diti patri dedicatam Cicero lib. secundo de natura Deorum scribit, quod divitiarum omnes è terris, quibus ipse præsidet, oriuntur, & in terras recidunt. Thesauros porrò, in quos nullo fine congregantur opes, Pluti carceres quidam Rufus Perinthius vocavit.

Fabulantur & Poëtæ, Hispaniarum subterranea, non infernum Plutona, id est opulentiarum Deum inhabitare: quia tanta  
est

est in eo terrarum tractu metallorum fecunditas, ut Homerus literarum parens & opum ejus provinciæ gnarus in ea campum Elisium & piis dicatam sedem esse dixerit. Latius ea Coelius tractat. 10. libro & 11. cap. 23. Plura alia huic Deo nomina à Poëtis sunt tradita, ut est Sumanus, Orcus, Uragus ab urgendo, Quictalis, quòd mors quies sit ærumnarum. Et Plato philosophus datorem divitiarum vocat: & alii aliter quod supervacaneum sit multis hic tractare, cum poëticæ studiosus ea passim ex authoribus per se valeat eruere: tractabimus nunc Dei figuram.

*De Plutonis imagine.*

Huic talem dederunt imaginem: Erat homo jam truculentus & terribilis, jam timoris aliquid præ se ferens, & cæcus, in solio sedens sulphureo, cujus dextra sceptro regali erat obarmata, sinistra vero anima, quam constringens lacerare videbatur. Cerberum sub pedibus calcans: juxta se habebat tres Harpyas, Proserpinam cum fusca & terribili facie: Furias quoque tres, horribiles & serpenticas crinitas: Parcas præterea, quinque insipientes flumina græci.

*Interpretatio figmenti.*

Truculentus & terribilis pingebatur, quoniam ferociunt plerunque & non sunt tractabiles divitiæ: unde justo nomine inter ardua & difficilima quæque, ut Philostratus ait, debent connumerari. Cui prudenter subscribit Seneca: *Multum est inquit divitiarum contubernio non corrumpi, & affluentibus hinc inde divitiis; vitiorum fomitibus animum servare inconcussum*: nam ut idem epist. 55. scribit, *Divitiæ animos inflant, superbiam pariunt, mentem alienant, atque timorem inducunt*. Docet præterea Apulejus homini maximum detrimentum esse opulentiam, cum ait: *Immodica divitiæ velut ingentia & enormia gubernacula facilius mergunt quam regunt, quia habent irritam copiam & noxiam nimietatem*. Hinc valde divites simulque probos inveniri Plato lib. 1. de legibus impossibile testatur.

Hunc præterea cæcum formasse veterum religionem neminem puto, qui nesciat, cui saltem ejus nominis comœdia apud Aristophanem non sit incognita. Quod qui divitiis inebriantur, non cessant subinde injurios se præbere, quasi rectum saltem per nebulam aut transen-

nam

nam videant: quodque in magna & ampla fortunę indulgentia cęcutiunt, veluti oculis verę rationis capti: quibus tamen, si opulentię adhibeatur utendi ratio, videndi usum Pluto recipit. Quod Sophistę Herodi factitatum scimus, apud quem minime luminibus captus divertisse fertur is Deus, quando bonorum affluentiam ad liberalitatis usum contulit, quod sciret avaritiam esse totius vitiositatis metropolim.

Sed ideo meticulosus fingebatur Pluto, quod opes divitibus meticulosum inferant habitum, quia multi divitibus tendunt insidias, nempe latrones, hęredipetę, principes, sycophantę, & uxor aliquando & liberi: Id eleganter explicans Juve. ait:

*Pauca licet portes argenti vascula puri,  
Nocte iter ingressus, gladium contumque  
timebis,*

*Et mota ad Lunam trepidabis arundinis  
umbram,*

*Cantabit vagus coram latrone viator.*

In omni negotio formidulosior est dives quàm pauper, cautius munit ædes furum metu, metuit tempestates propter frumenta quę habet in argis, propter merces

ces quas habet in mari, metuit amicos ne quid rogantibus donare cogatur, metuit inimicos ne noceant, timidius conviciatur metu mulctę & prorsus omnia circumspectius & facit & dicit metu calumnię, quę potissimum divitibus strui solet: uberius illa declarat Erasmus in Chiliadi. cujus hęc fuerunt verba. Aliam quoque ejus timoris causam ex Masfeso possumus elicere, dum inquit.

*Ex metu pallet aurum, quia multos habet insidiatores.*

Quod Solio sulphureo sedet Pluto, sceptrō, anima & totius inferni fatellitio honestatus, inferorum evenisse illi fortem indicat. Is enim cum frater Jovis atque Neptuni natu minor, partem occidentalem secus infernum mare occupavit, Jupiter plagam orientis, Neptunus insulas, unde fabulę locus datus est ut Jovi imperium cœli, Neptuno maris, Plutoni inferorum obtigerit. At Diodorus lib. 6. aliter fabulam interpretatur: scribit enim Plutonem sepulchrorum funerumque atque donorum, quę mortuis impenduntur, usum introduxisse, cum antea nulla earum rerum apud homines esset consuetudo, quę causa inquit extitit, ut vita functis dominari creditus est.

*Parcas*

MYTHOLOGICA. 81

Parcas tres secum habuisse fingitur  
Pluto, quod, quem admodum Parce, ne-  
mini parcat: unde Horatius libro primo  
odarum, Ode quarta:

*Jam te premet nox, fabulaque manes,  
Et domus exilis Plutonia, quo simul mor-  
aris,  
Nec regna vini sortiêre talis.*

Et alibi libro secundo:

*Nil inter est an pauper & infima  
De gente sub dio moreris,  
Victima nil miserantis Orci,  
Omnes eodem cogimur.*

Idem lib. secundo, Ode. 14.

*Nec pietas moram  
Rugis, & instanti senectæ  
Afferet, indomitæque morti.  
Non si trecentis, quotquot eunt dies;  
Amice places illacrymabilem  
Plutona tauris.*

De Parcis in cap. 54.



# DE ÆSCULAPIO. ET SALUTE DEA.

## CAPUT XV.

**Æ**sculapius filius Apollinis insigniter depictus fuit his coloribus : Viri aurea statua , coronata lauro , proluxa barba & veste , portans in una manu bacillum nodosum cum serpente huic intorto , in altera Gallum : in sinu vero unguentaria vasa cum pharmacis , illi adstabat mulieris quædam statua ex argento facta , cui draco vigilans in brachium erat involutus.

### *Expositio.*

Aurea statua ad Solis refertur nitorem , Macrobius libro 1. Satur. cap. 20. *Æsculapius* , inquit , *vir est de Solis substantia ; subveniens animis corporibusque mortalium , unde medicum crediderunt antiqui.*

Laurus in corona , ut Plinius scribit lib. 23. cap. 8. hoc est , quod ea arbor sit plurimorum remediorum. Barba vero proluxa signat radios Solis , quam Dionysius Syracusanus aliquando illi detraxerat , longa veste relicta , & adeò longa , ut  
per

pertotum transfiret orbem, dicens non convenire barbatum esse filium, quum in omnibus phanis pater imberbis sit, sic Cicero libro 3. de natura Deorum, & Vale. Maximus lib. 1.

In manu baculus nodosus, quem Ovidius lib. 15. transf. vocat agrestem, medicæ artis difficultatem notat, ait Pom.

Adstat huic simulachro Dea Salus, quæ naturæ lunaris habet effectum, quo animantium corpora juvantur, à salutifero firmata temperamento: Macrobius

Ideo ergo statuis eorum jungunter figuræ draconum, quia præstant, ut humana corpora velut infirmitatis pelle deposita, ad pristinum revirescant vigorem, ut revirescunt dracones per annos singulos pelle senectutis exuta. Propterea & ad ipsum Solem species draconis refertur, quia Sol semper velut à quadam imâ depressionis senecta, in altitudinem suam ut in robur revertitur juventutis: hæc Macrobius lib. 1. Satur. cap. 20. Sextus autem Pomp. Draco inquit, in tutela Æsculapii est, quod sit animal vigilantissimum, qua res ad tuendam presentem & restituendam præteritam valetudinem est maxima, & hoc quidem gallus horarum ales significat. At Plinius lib. 29. cap. 4. mul-

*ta serpentibus inesse remedia scribit, unde Æsculapio dicati feruntur. De Gallo vide Cœlium lib. 9. cap. 12. Jecur quippe serpentinum adversus serpentinos morsus est præsens remedium; & ad alia conducit quæ ibi legito. Circumfertur & talis fabula: Æsculapius cum de suscitando Glaucō cogitaret, venisse dicunt ante eum anguem, quem cum baculo in dextra gestato percussisset ad necem, venisse mox alium anguem, herbam ore ferentem, & in caput defuncti posuisse, quo factō, hunc necatum revaluisse, herbamque hujus Dei oculis ostensam, unde per eam quoque tulit huic Glaucō vitæ suppetias. Itaque fabulantur anguem Æsculapio sacrum, qui ideo ab Astrologis Ophiuchus, hoc est, serpentarius vocatur.*

## DE MINERVA.

### CAPUT XVI.

#### *De nomine Minervæ.*

**M**inerva ex cerebro Jovis nata, quod bene moncat, dicta est, Fest. Pompojio auctore, hanc enim pro sapientia ponere.

ponebant. At Cornificius, quòd pingatur minitans armis, Minervam nominatam putat. Cicero lib. 2. & 3. de nat. Deo. *Quod vires minuat, eam dici affirmat.* Omnes enim, qui sapientiæ commercio infudant, efficiuntur debiles: & propter virium diminutionem, antequam planè juvenes sunt, consenescent. Sic tamen Cœlius lib. 11. scribit apud *Mothonem Peloponensi civitatem, Pallados fuit templum, ubi cum violentiores ea loca venti insigniter obladerent, haud tempestive perflantes, fufis Deæ precibus, desierunt, nullumque deinceps calamitatis genus incolis enatum:* unde nomen Pallas Minerva est adepta, quòd ventorum minuerit vim.

*Minervæ simulachrum sic pingebatur.*

Armatae mulieris instar, lorica & gladio accinctæ, casside cum crista, dextra vibrans hastam, sed in sinistra scutum habebat, gorgoneo capite tectum, glaucis oculis, & pallio triplici colore, cœlesti, aureo, & purpureo. Erat præterea illi apposita oliva viridis, & desuper noctua volitans.

*Expositio,*

Armorum autem ratio est, quoniam Mi-

nervam principem & inventricem belli scribit Cicero lib. 2. de natura Deo. Vel quemadmodum Lactan. lib. 1. cap. 21. quia sanguinis effusione placandum erat illius numen, quoniam sacerdotes hujus Deæ proprio cruore sacrificare cogebantur: unde talem afflatum capiebant, quod præsentia explicarent, & futura vaticinarentur.

Scribit præterea Coelius Rodiginus de Minerva in mulierem miraculum, huic loco scite apponendum: *apud Pedasenses inquit, Barba prolixa Minervæ antistiti aliquot saltem anni temporibus nata videbatur ex vi & virtute ejus numinis.* Quæ barba quidem, ut virilitatis insigne, armis & hujus Dea panoplia convenire videtur. Nam rarum est alicujus mulieris barbam adeò longam apparuisse, si quidem calor inopia in causa esse perhibetur: unde justo nomine celebratur hoc proverbium, Mulier barbitio obsepta eminus est salutanda, virilem enim accedit rabiem. Cæterum Homerus lib. 5. Illiados, *Palladem Junonis hortatu è cælo in Trojanos ivisse scribit, armis indutam Jovis, imposuisseque galeam auream tribus cristis insignem, ac tot capitum humanorum capacem, quot milites centum urbium haberent.*

Ægis

Ægis autem gorgoneo capite dirum malum & terribile monstrum, nihil est aliud quàm ut Lucianus scribit, Cupidinis seu Desiderii in sapientes horror: sic enim Cupido interrogatus, cur à Minerva sola abstineat armis, nemini aliorum Deorum parcat: Respondit, Videt Minerva terribiliter, & in pectora habet faciem quandam horrendam viperis crinitam, quam ego maximopere formido, territat enim me, fugioque quoties aspicio eam. At Macrobius ait, Gorgoniæ vestis, quia Minerva Apollinis est præses, virtutem Solis designat graviter intuentiam.

De glaucis oculis ita Cœlius lib. 8. *Pallada Glaucopin vocant, non tam quia glaucos habeat oculos, quam de formidoloso aspectu quoniam & glauci dicuntur leones regii: Et poetarum quidam, dracones vocat glaucopas.*

Triplici colore pallium, pepulum donotat: nam Servius pepulum finit esse *pallam fœmineam Minervæ consecratam*. Quòd si vera sunt quæ Lactantius scribit, rectissime prorsum vestis ea Minervæ dicebatur, quando candor divinæ bonitatis simplicitatem exuberantiamque præmonstrat: Auri internitentis splendor, sum-

mæ atque intime sapiencie vim fulgurantem : Purpureus autem color Phœbi, cui ipsa præsidet, penetrantem fulgorem. Arbitrantur tamen quidam peplum concinna perindeque grata distinctum varietate, multiformem prudentiæ rationem significare, ut apud Cœlium est.

Oliva illi apposita erat, quia olearum, oleique educendi inventionem Minervæ adscripserunt antiqui. Nam ante hujus Dææ ortum erat hæc arbor aliis sylvestribus immixta, teste Diodoro lib. 6. Aut propterea, quòd certamen aliquando fuit, utrum Pallas Athenis nomen imponere deberet, vel Neptunus, de hoc enim contendebatur. Dii autem sic statuerunt, ut qui rem humano generi commodiorem invenisset, is urbi nomen poneret. Cum igitur Neptunus tridente percussisset terram, equus exivit: Pallas vero, hastæ cuspide terra percussâ, olivam in lucem eduxit, quæ mortalibus commodior judicata, Palladem victricem effecit, ut Ovidius sexto Transformationum.

Et desuper noctua volitans. Hæc avis Atheniensium populo quondam erat gratissima, ac Minervæ sacra habebatur: propter oculos cæcios quibus etiam in tenebris

nebris perspicit ea, quæ vulgus avium non videt. Athenienses quoque in nummis tum aureis tum argenteis noctuam cum Minervæ aut Jovis vultu imprimere consueverunt, Testis est Cœlius lib. 6.

## DE PANÆ.

### CAPUT XVII.

#### *De nomine Panos.*

**H**unc Deum Arcades venerati sunt, non solum ut sylvarum, sed universæ materiæ dominum, cujus materiæ vis universorum corporum, sive terrena sive Divina sint, componit essentiam: unde à Græcis πᾶν, quod omne significat, appellatur. Aliquando Faunus quoque dicitur, à fando: unde ab Horatio virorum Mercurialium custos vocatur, quoniam à Mercurio sermo manavit. Et Inuus ab incundo passim cum animalibus.

#### *Panos figura.*

Figurabant sic Panem veteres: Erat homo rubicunda facie, ridens, barbatus, cornibus pedibusque caprinis, nudus, in ore tenens fistulam, in manu



virgam, pectore autem Nebridem stellatam, isti vehemens pugna erat cum Amore, qui à Pane victus, juxta eum jacebat quasi prostratus ad terram.

*Expositio.*

Panos rubicunda facies, cornua, barbæque prolixæ demissio, & stellata pel-  
lis, naturam lucis & stellarum ostendunt, qua Sol & ambitum cœli superioris & inferiora collustrat, sic Macrobius.

Risus autem ratio ab Arcadibus sumpta est, qui finita Catabasi (sic enim inferiorem Solis meatum vocant) simulationeque luctus perfecta, celebrant lætitiæ exordium. 8. Calend. Aprilis, quem diem Hilaria appellabant, quo primum tempore Sol diem longiorem nocte reddens, terras illustrat: hujusmodi igitur lætitiâ risu ejus ostendebant, quem totius terræ Deum esse arbitrabantur.

Caprinos pedes habuit, quoniam hoc animal & terrenum est & semper alta frequentat pascendo, sicut Sol, qui radios superne demittit in terras, & cum se recolligit in montibus videtur, Macrobius. Vel quia caprarum, ovium, omniumque animalium custos ferebatur. Est namque in Arcadia locus nomine Aula, ubi  
olim

olim visitatum est Panos templum, constanti fama omnibus, quæ illuc defugerint, animalibus haud dubie præstari salutem. Quippe si ea insequantur lupi, subsistunt protinus, ubi ad eam ventum est partem, nec ingrediuntur omnino: Hæc Cœlius libro duodecimo.

Gaudet iste Deus discurrere in altis montibus, ut Horat. indicat: *Velox amœnum sæpe Lucretilem, mutat Lyceo Faunus.* Et Ovidius 2. lib. Fasto. *Iste Deus velox dicurrere gaudet in altis Montibus.* Unde nudus pingebatur antiquitus, quoniam currenti vestis esset potius impedimento quàm expeditioni, quod idem Ovidius hoc versu declarat:

*Nec satis ad cursus commoda vestis erat.*

Fistula septem calamorum propter cœli harmoniam, in qua sunt septiformes soni, huic tributa erat. Vel quòd hæc fistula ordinem inæqualem spiritus ostenderet, quia venti, in quibus nulla æqualitas est, propriam sumunt de Sole substantiam, ait Macrobius. Seu quòd primus fistulæ extiterit inventor, illi adscripta est, quod Virgilius testatur in Corydone:

*Pan primus calamos cera conjungere plures  
 Instituit.*

Per

Per virgam in manu, Solis potestatem, qui cuncta moderatur, indicat.

Sed Amor in pugna superatus à Pane, ad fabulam in. 1. lib. transfor. Ovidii descriptam, tendere videtur, ubi Poëta Syringis in cannam enarrat mutationem, unde statim Pan fistulam septem imparibus calamis simul conjunctis sibi composuit.

## DE HERCULE.

### CAPUT. XVIII.

#### *De nomine Herculis.*

**H**ercules in tantam fortitudinem & gloriam evasit, ut jam in Deos relatus merito id nomen consecutus videatur. Quippe Hercules dictus est quasi ἥρας κλεός, hoc est Junonis laus. Id autem propterea fictum à veteribus constat, quia Herculem Solem esse existimaverunt, qui vere heras, hoc est aëris cleos dici potest. Quæ enim aëris alia gloria est nisi solis illuminatio, cujus recessu penitus occultatur? sic Macrobius.

#### *Herculis statua sic pingebatur.*

Græcorum plerique Herculis statuam sic

sic formare ceperunt, ut tetricus quidam vir in leonis exuvio sinistra manu tria portaret mala, quæ clava fregisset ictibus crebris. Hoc tamen interempto prius dracone; qui in horto Hesperidum custos fuerat pervigil. Qui vir manus quoque callosas & crines minime affectatos habebat.

*Expositio.*

Hæc tria poma sic comparantur, quando Draconem vigilem interfecit, hoc est concupiscentiam, quæ insomnis semper laborat, iræ quoque compressit ardorem, & habendi temperavit cupiditatem, ac denique voluptatum sedavit titillationes, sed omnia clava sua, quam Apulejus in floridis dicit Philosophicam vocari. Ast Marcus Varro & Diodo. lib. 5. aliter interpretantur ea.

Leonis autem pellem non aliud esse scribit Ludov. Coelius lib. 3. quam generosam viri prudentiam, qua is circummunitus obseptusque, affectiones animi prærabidas exculcarit.

Manus callosæ, laboris patientem indicant esse virtutem, quæ ut non est ornatus studiosa, ita quoque omnem abhorret & respuit fucum, sic Seneca quando virtutis describit imaginem.

At quoniam Herculis facta est mentio, libuit ejus quoque egregie facta, quæ apud Virgilium ex ordine enumerantur, huc ascribere.

*Prima Cleonei tolerata arumna leonis,  
Proxima Lerneam ferro & face contudit  
Hydrum,*

*Mox Erymantheum vis tertia pertulit  
Aprum,*

*Aripedis quarto tulit aurea cornua cervi,  
Stymphalidas pepulit volucres discrimine  
quinto,*

*Threiciam sexto spoliavit Amazona Bal-  
theo,*

*Septima in Augeis stabulis impensa laboris,  
Octava expulso numeratur adoria tauro,  
In Diomedeis victoria nona quadrigis,  
Gerione extincto decimam dat Iberia pal-  
mam,*

*Undecimam mala Hesperidum distracta  
triumpho,*

*Cerberus extremi suprema est meta laboris.*

Sic Othmarus Luscinus.

*Perdomui Nemees monstrum, mala bestia  
Lerna*

*Concidit, & taurus, deinde necatus aper,  
Threicie zonam rapui, Diomedis equos, hinc  
Gerionemque premens aurea mala tuli,  
Angi*

*Angiam novi, cecidit cerva, atque volu-  
cres,*

*Cerberus abductus, latus in astra feror.*

Hec omnia ceteraque Herculis gesta apud Diodorum, Ovidium in 9. lib & Plautum in Persa invenies longius explicata.

## DE ANGERONIA.

### CAPUT XIX.

*De nomine Angeronia.*

**A**ngeronia Dea habita est à Romanis silentii. Cujus festa Angeronalia vocabantur, quæ fuerant instituta, cum tota civitas vexaretur angina, putabant enim ab hac Dea pópulum eo morbo, præmissó voto, liberatum. Sed idco Angeronia dicebatur, quod angores atque animorum sollicitudines propiciata depelleret, ut dicit Verrius Flaccus.

*Simulachrum Angeronia.*

Ejus simulachrum ore obligato, ob-  
signatoque in Ara Volupie collocatum  
erat.

*Ex*

*Expositio.*

Igitur vero in Ara Volupie, quę voluptatis erat Dea, hoc simulachrum stabat; quod dolor comes sit voluptati, & voluptas dolori.

At obligati oris ænigmate significabant veteres, eos, qui dolores & anxietates animi dissimulant, patientię beneficio, ad maximam pervenire voluptatem.

## DE HARPOCRATE.

## CAPUT XX.

**E**t tanti pretii, tantęque æstimationis silentium fuit apud veteres, ut non solum Angeroniam taciturnitatis numen, sed etiam Harpocratem in hoc peculiarem Deum venerati sint, qui sic fingebatur, ut digito admoto ori, comprimeret labra.

*Expositio.*

Innuens per hoc Deus iste tutum esse silentii premium, quemadmodum Aristidem dixisse fatetur Erasmus quoniam in Gręcorum est proverbio, *Oris effreni postremum occupat infelicitas.* Proinde Simonidis recte celebratur nobilis sententia.

*Locu*

*Locutum esse pœnituit sæpè, tacuisse nunquam. Hinc Anacharsis in convivio confopitus apud Solonem, ita decubuerat, ut sinistra conprimi pudentia viderentur, os autem dextra, quod freno valentiore indigere linguam opinaretur, quam Veneris calamitosam intemperantiam. Teste Coelio lib. 7.*

## DE JUNONE.

### CAPUT XXI.

#### *De nomine Junonis.*

**J**uno à *juvando*, inquit Cicero lib. 2. de. natura Deorum, *nomen trahit*. Cui consentit Varro. Nam sua gratia nutrit creata, quoniam aërem eam esse dixerunt Stoici, propterea soror Jovis habitata est. Juppiter enim, qui est cœlum, & Juno ab iisdem feminibus suam traxerunt originem. Quorum est munus, omnia nova, calore & humiditate, aliarum qualitatum beneficio accedente, fovere atque juvamine enutrire. Est & Jovis conjunx habitata, quod aër subjectus est Jovi. Lege supra cap. 3. de Jove. Cæteri autem scriptores Junonem quasi Janonem, id est



est Januam dici affirmant, quod portas matrum parturientium aperiat. Hinc Servius eandem dicit Junonem & Lucinam esse Deam, quod & Terentium in Andria sensisse putat. Lucina etenim parturientibus præerat, quod foetus in lucem ederet dicta. Sed Macrobius Junoni Lucinam conjunxit, velut assëclam: quæ ratione id fecerit, lege in hujus simulachri expositione.

*Junonis simulachrum.*

Pingebatur mulier in throno sedens cum sceptro regio, cujus caput nubibus velatum erat, ab una parte corporis mulier stabat, variegata veste, parata ad obsequium, ab altera quædam matrimoniali cultu insignis mulier Junonem sequebatur: Pavones item Junonis lambebant pedes, agnoscentes regiam dominam.

*Explanatio anigmatis.*

Caput Junonis velatum nubibus, aërem significat, in quo nubes ex multis vaporibus condensatis in unum corpus, loci frigore, conglomerantur, dicit Anglicus.

Mulier picta veste, Junonis nuntiam designat, hoc est Irim, quæ dominium humiditatis in aëre prædicit. Cujus colores

lores sic inter naturæ mira numerantur, ut in Adagionis formam transierint, Super omnem Irim de veste splendida, variisque coloribus picta. Colorum Iridis mentionem facit Ludov. Cœli. lib. 12.

Sed altera mulier, quæ Junonem sequitur, Lucina est, quam apte huic velut affecclam junxerunt veteres, quia connubia (quibus præest Juno) precedunt, unde Juga, teste Festo, quoque nominatur. Et Lucina sequitur, id est partus, per quem infans in lucem prodit.

Pavones astant Junoni, quod Juno caudæ pavonis Argi oculos à Mercurio interfecti imposuerit, quemadmodum scribit Ovidius lib. 1. Translor. Unde hæc avis Junoni peculiariter est sacrata, propterea Junonia dicitur, ut indicat Ovidius in. 1, lib. de arte amandi.

*Laudatas ostendit avis Junonia pennas,  
Si tacitus spectes illa recondit opes.*

## DE ISIDE.

### CAPUT XXII.

*De nomine Isidis.*

**I**sidem Jovis Ægyptii regis filiam Deorum honores consecutam scribunt auctores,

thores , quod multis beneficiis homines donaverit. Unde in templo Vulcani apud Memphim scribunt eam esse sepultam. Ista prima triticum & hordeum, quæ prius incognita hominibus , quum sponte inter ceteras herbas crescerent, invenisse fertur. Leges quoque Isidem statuisse ferunt, propter quod prisci Greci Isidem legiferam appellarunt, tanquam primam legum inventricem. Ægypti præterea asserunt, quod & omnes ferè poëtæ testantur, Isidem plurima invenisse medicamenta, medicæque arti multum contulisse, quæ omnia confirmat Diodorus. Hanc Ægypti Genium vocat Servius.

*Isidis simulachrum.*

Ejus simulachrum continuatis uberibus, linea veste, & cornibus ornatum fuit, tenens in dextra fistrum ac sinistra naviculam.

*Interpretatio.*

Hinc est quod continuatis uberibus corpus Dææ omne densatur, quia terræ alimento nutritur universitas: nam Isidem multi terram esse dixerunt.

Sed linea vestis canderem Lunæ demonstrabat, quod & multi hanc Lunam esse

esse crederent. Hac veste utebantur quoque ejus sacerdotes, unde linigeri dicti feruntur. Et ex illa causa in capite ejus videbantur cornua. Luna etenim cornuta est hoc tempore quo primis diebus apparet. Vel quia bos illi ab Ægyptiis sacrificatur, ut Diodorus. Nisi ad fabulam referamus ea, quæ est de Jo filia Inachi regis Argivorum, cujus abunde mentionem facit Ovidius in. 1. lib. Transfor.

Sistrum in dextra æneum fuit crepitaculum in ejus sacris conveniens.

In monumentum vero navigationis, qua in Ægyptum delata est, habebat in sinistra naviculam. Unde quoque factum existimo ut anser Isidi mactaretur, quod aquis gaudeat perpetuo hæc avis, quæ quanquam diu in eis habitat, tamen semper ac si per navem sit vecta, non apparet aquis aspersa. Propterea Plautinus quidam optat sibi anserinam sortem dari, ut videlicet per umbrem non efficerentur sibi vestimenta humida.

## DE OSIRI.

### CAPUT XXIII.

*De nomine.*

**O**sis, quem Diodorus nunc Scraphim, nunc Dionysium & Plutonem

nem dici affirmat , Jovis ex Niobe filius rex Argivorum , regno fratri suo relicto , in Ægyptum profectus est , ubi Isim duxit uxorem. Tandem autem à fratre suo Typhone occisus est , & in sex ac viginti partes scissus. Isis tamen propter sui mariti necem auxilio Hori filii , Typhonem interemit , & omnes partes mariti , quas magno mœrore confecta quæsiverat , præter pudenda cum invenisset , aromatibus & cera conjungens , in viri restituit formam. Convocatis deinde Ægypti sacerdotibus , singulis dedit Osiris imaginem , jubens ut velut Deum colerent , eique animal , quod videretur idoneum , dicarent , illud venerantes tanquam Osirim : *Sacerdotes obsecuti sunt Ifidis imperio , taurum dedicantes , quem sub nomine Apis , quod eorum lingua bos sonat , ut Deum coluerunt* : Hæc Diodo. lib. 1. Ejus tamen numen quale quale fuerat , solis dicebatur effectus teste Macrobio.

*Osiridis effigies.*

Ægyptii quoties hieroglyphicis literis Osirim exprimere voluerunt , sceptrum , in quo species oculi insculpta erat , formabant. Aliàs autem hominem in vertice calathum portantem , cui adjunctum vide-

debatur signum tricipitis animantis, in medio leonis, dextra parte canis, læva autem lupi rapacis: quas animalium formas draco connectebat volumine suo, capite redeunte ad Dei dexteram, qua compescebatur monstrum.

*Explicatio.*

Sceptro monstrabant Osirim esse Solem, qui regali potestate sublimis, cuncta inspiceret: *quia solem Jovis oculum dicebat antiquitas*, ut ait Macrobius.

Vertex autem calathoinsignitus, altitudinem solis & capacitatis potentiam ostendit: quia in eum omnia terrena redeunt, dum immisso calore rapiuntur.

Caput leonis, præsens tempus denotat: quia conditio ejus inter præteritum futurumque, actu præsentis valida fervensque est. Sed præteritum tempus lupi capite signatur, quod memoria rerum transactarum rapitur & aufertur. Item canis blandientis effigies, futuri temporis designat eventum, de quo nobis spes, licet incerta, blanditur. Tempora autem cui nisi proprio famularentur auctori? Hæc Macrobius lib. 1. Saturnalium.

# DE ANUBI ET MACEDONE.

## CAPUT XXIV.

**A**nubis & Macedon Osiridis filii fuerunt, quorum uterque armis usus est insignibus aliquo animali, haud eorum naturæ dissimili. Nam Anubis canem, Macedon lupum in armatura tulit. Qua ex re hæc animalia Ægyptii in summo honore habebant, & horum animantium formis apud illam gentem, colebantur & Anubis & Macedon, sic Diodorus lib. 1. qui alia plura scribit in 2. lib. de hac re,

# DE ASTRÆA.

## CAPUT XXV.

**A**stræam ex Aurora filiam Astræi, qui unus ex Titanibus fuit, ob summam æquitatem, ipsam justitiam esse dixerunt antiqui, unde cœli honore est dotata, quod his carminibus Aratus indicat.

*Nam*

*Nam cum adhuc terras habitaret Astræa,  
Nondum vesanos rabies nudaverat enses,  
Nec consanguineis fuerat discordia nota,  
Sed post crescentibus vitiis evolavit in cæ-  
lum.*

Et Ovidius in. 1. Transfor.

*Ultima cœlestum terras Astræa reliquit.*

*Imago Justitiæ.*

Ita à pictoribus apud veteres fieri con-  
suevit Justitiæ imago. Forma atque filo  
virginali, aspectu vehementi & formi-  
dabili, luminibus oculorum acribus, ne-  
que humilis neque atrocis sed reverendę  
cujusdam tristitię dignitate.

*Scyrpi solutio.*

Ita Chrisippus illam effinxit imaginem,  
cujus significatione voluit intelligi judi-  
cem, qui justitię antistes est, oportere  
esse gravem, sanctum, severum, incor-  
ruptum, inadulabilem, contraque im-  
probos, nocentesque immisericordem at-  
que inexorabilem, erectumque & ardu-  
um, ac potentem, vi & majestate equi-  
tatis, veritatisque terrificum. Hęc Au-  
lus Gellius lib. 14. cap. 4.



# THEOLOGIA DE PERSEO.

## CAPUT XXVI.

**P**erseus filius Jovis, Asiæ rex, in numerum Deorum relatus est, ob Asiam debellatam, & tres sorores, quæ Gorgones dictæ, eam partem terræ possidentes, excellenti sapientia devictas. Huic talem ascripserant figuram antiquitus. Erat juvenis armatus, & suffultus alis, in hasta portans caput Medusæ, & scutum cristallinum, cujus adminiculo interficiens sorores, terram commaculabat sanguine.

### *Interpretatio.*

Per juvenilem ætatem & panopliam, Persei corpus validum & viribus excellens intelligere possumus, quod haud laude digna faciet, si Minerva, id est sapientia, unde scutum accommodato sumpserat cristallinum, & Mercurius, qui est eloquentia, unde alas & ensen habebat, desit. Quod eleganter etiam his carminibus lib. 3. carminum Flaccus scribit.

*Vis consilii expers mole ruit sua,*

*Vim temperatam Dii quoque provehunt*

*In*

*In majus, iidem odore vires*

*Omne nephas animo moventes.*

Terra sanguine aspersa Lybiam notat, in qua occisas Phorci gnatas poëtæ fabulantur, ex quarum sanguine eam regionem ita infectam scribunt, ut venenosis serpentibus maxime abundet. Unde in proverbio dicitur.

*Lybia semper adfert malum aliquod.*

## DE NEPTUNO.

### CAPUT XXVII.

*De nomine.*

**N**eptunus filius Saturni ex Ope, Deus maris habitus, à nando dictus ut Ciceroni placet, vel quemadmodum Varro ait de lingua, *quod mare & terras obnubit, velut nubes solent.* Is item Hippius sive equester apud veteres nomen habuit, Festo attestante, vel quod Pegasus ex eo & Pegaside natus sit. Aut quod tridentis ictu terræ, equum exciverit, cui ob hoc in Illyrico nono quoque anno quaternos equos in mare jaciebant. Aut quod equos primus domuerit: atque equitandi ab illo traditam rationem fabulantur.

*Nep*

*Neptuni imago.*

Erat ejus imago, homo nudus in mari natans cum tridente, quo littus percussus prodibat equus, quem circumnabant Tritones regem suum tubis venerantes.

*Expositio.*

Imago nudi hominis Neptuni inventum declarat. Nam secundum Cretenſes primum navigandi arte inventa, classem instituit, ejusque prefectum esse à Saturno factum, scribit Diod. lib. 6. Quapropter traditum est Neptunum imparasse mari, sacraque ei à navigantibus facta. Littus percussum tridente, quid significet, lege cap. 16. in capite de Minerva.

Tritones monstra sunt marina conchis canentia, teste Plinio lib. 32. cap. 11. quæ fabulose Neptuno dicebantur inservire, ita ut fluvios in suos fontes revocarent.

## DE OCCASIONE.

## CAPUT XXVIII.

*De nomine.*

**O**ccasio temporis, oportunitas casu quodam proveniens, teste Festo, dicitur.

dicatur. Hæc in aggrediundo conficiendo negotio , præcipuum adco habebat momentum, ut veteres ei divinitatem ascripserint.

*Simulachrum Occasionis.*

Ejus simulachrum ad hunc modum fingebat antiquitas , volubili rotæ insitens mulier pennatis pedibus , partem capitis priorem tegebat capillis , posteriore glabra relicta , ut illa facile præhendi poterat , hac nequaquam. Eam sic depinxit Erasmus ex Græco carmine Posidippi.

*Quæ patria artificis? Sityon. quo nomine?  
nomen*

*Lysippo dictum est ipse quis es? loquere:  
Illa ego cuncta domans Occasio. cur ago  
pinnis*

*Insistis? volvorque , ac rotor assidue.*

*Cur gemina in pedibus gestas talaria? , di-  
cam ,*

*Huc illuc volucrem me levis aura rapit.*

*Quid dextra sibi vult inserta novacula?  
signum hoc*

*Quod quavis acie sum mage acuta ,  
docet.*

*Tecta capillitia facies quidnam admonet?  
illud*

*Quis*

*Quisque uti me, quoties offeror, arripiat.  
Cur autem capitis pars posticaria calvet?*

*Quem semel alatis praterii pedibus  
Is, quanquam volet inde cito me prendere  
cursu*

*Haud liceat, simul ac vertero terga  
viro:*

*Hac itaque idque tua me finxit imagine  
causa*

*Hospes, sculptoris ingeniosa manus,  
Spectandamque domus hic prima in fronte  
locavit,*

*Scilicet ut cunctos & moneam & do-  
ceam.*

Sic Morus.

*Unde erat hic plastes? Sicyonius. at quis  
erat? dic:*

*Lysippus. tu quis? tempus ego omne do-  
mans.*

*Cur summis instas digitis? roto semper. at  
alas*

*Cur pedibus gestas? ut levis aura feror.  
At dextram cur armat acuta novacula?  
signum est*

*Quod conferri acies non potis ulla mi-  
hi est.*

*Cur coma fronte jacet? quod qui me pren-  
dere cupiat*

Pro-

# MYTHOLOGICA. III

*Præveniat. calvum est cur tibi retro  
caput?*

*Quod, postquam levibus praeceps effugero  
pennis,*

*Nil ager à tergo, qui revocare volet.*

Non ab re fuerit & Ausonianum Epi-  
gramma subscribere: quod, ut admonet  
Politianus, è Græco videtur effectum. Car-  
men sic habet.

*Cujus opus? Phidiae, qui signum Palla-  
dus, ejus*

*Quique Jovem fecit tertia palma ego  
sum,*

*Sum Dea, quæ rara, & paucis occasio nota.*

*Quid rotula insistas? stare loco nequeo.*

*Quid talaria habes? volucris sum, Mer-  
curius quæ*

*Fortunare solet, trado ego cum volui.*

*Crine tegis faciem? cognosci nolo. sed he-  
us tu*

*Occipiti calva es? ne tenear fugiens.*

*Quæ tibi juncta comes? dicat tibi. dic ro-  
go quæ sis.*

*Sum Dea, cui nomen nec Cicero ipse  
dedit,*

*Sum Dea, quæ facti, non factique exigo  
vanas,*

*Nempe ut pœniteas, sic Metanœa vocor.*  
Ta

*Tu modo dic quid agat tecum ? si quando  
volavi*

*Hac manet , hanc retinent quos ego  
præterii.*

*Tu quoque dum rogitas , dum percontan-  
do moraris*

*Elapsam dices me tibi de manibus.*

## DE FAVORE.

### CAPUT XXIX.

**E**st huic præcedenti carmini non ab-  
simile illud Dardano autore scrip-  
tum in Favorem ab Apelle pictum.

*Pictor Apellea quid pingis ab arte Favorem ?*

*Unde illi generis semina nota parum ?*

*Hic genitum forma , fortuna hic jactat  
alumnum ,*

*Casus ille , ille animi dotibus , esse satum :*

*Qui comes assiduus lateri ? assentatio. &  
ecqua*

*Ponè subit lentis passibus ? invidia.*

*Ecquæ circumstant ? opulentia , fastus , ho-  
nores ,*

*Legesque , & scelerum sæpe libido parens.*

*Cur facis aligerum ? fortuna elatus ab aura*

*Advolat alta , imo nescius esse gradu.*

*Quare*

*Quare oculis captum pingis ? non novit  
amicos*

*Improbis ex humili quum petit alta loco.  
Quid rotula infistit ? fortunam imitatur,  
& infert*

*Se socium, instabiles qua tulit illa pedes.  
Cur tumet atque extra sese ambitiosus ef-  
fert ?*

*Obcacare animos fata secunda solent.*

## DE FORTUNA.

CAUT XXX.

*De nomine.*

**F**ortuna à ferendo dicta est, quod te-  
mere atque sine ratione feratur. Nam  
*Fortuna*, ut inquit Lactantius lib. 1. cap.  
29. est *accidentium rerum subitus atque in-  
opinatus eventus*. Philosophus autem lib.  
2. phisicor: ita diffinit: *Fortuna est*, in-  
quiens, *causa per accidens*. Unde Cicero  
lib. 2. de divinatione sic ait: *Quid est  
aliud fors ? quid Fortuna ? quid eventus ? nisi  
quum sic aliquid cecidit, sic evenit, ut vel  
non cadere atque evenire, vel aliter cedere  
atque evenire potuerit.*

Ex hac autem Fortuna Deam esse fac-

H tam



tam creditum est, quod, quicquid esset boni aut mali, eam posse tribuere judicaverunt. At in hac re errorem esse antiquæ religionis, Seneca ostendit epistola nonagesima: sic dicens. *Nihil neque boni neque mali dare potest fortuna, valentior enim omni fortuna animus est, qui in utranque partem res suas ducit, beataque ac misera vitæ sibi causa est.* Cujus sententiam utroque pollice commendat Salustius in Jugurtha. *Dux, inquit, atque imperator vitæ mortalium animus est, quippe fortuna probitatem, industriam, atque alias bonas artes neque cripere cuiquam potest, unde Juvenalis Satyra decima:*

*Nullum numen habes, si sit prudentia, sed te  
Nos facimus fortuna Deam, cæloque locamus.*

Quam sententiam pedibus inquit Calentius inquit.

*Incusant me mortales, & iniquam  
Dicunt, quod opes, quod simul honores.  
Donem non dignis, & me Deam vocant,  
Nemini fidam, faultricem malorum.  
Errant profecto, non est meum dare,  
Aut præripere, fati fratris mei est,  
Datis addere hoc est solum meum.  
Orbem circue, venio ad portas*

*Urbum.*

*Urbanum, rogo cui sit bone viro;  
 Cassio dicunt, Hirto, Lucullo,  
 Addo inquam ego. deinde cui sit male:  
 Dicunt, Severo, Fidio, Cecinna,  
 His addo quoque, non igitur mea est  
 Culpa, sed fratris, dare non merenti.  
 Si quæ dederit his augeam soror,  
 Credens a fratre curâ bene geri.  
 Ergo non me, sed fratrem incusate  
 Qui fortunam dicitis iniquam.*

Ea quippe varia fortitur nomina apud  
 autores, quorum rationem ostendit his  
 versibus Perovius.

*Ut tua multijuga est, varia & numerosa  
 potestas,*

*Sic sunt multa tibi nomina facta Dea*

Plinius lib. 2. ex ejus potentia sibi multa & varia nomina attribui, scribit. Sed Tullius ita fatetur, ignoratio rerum atque causarum naturæ, fortunæ nomina induxit, quorum aliquot his versibus constant.

*Tu fors, atque Tyche, modo tu fortunæ  
 vocaris,*

*Te modo naturam, coelicolamque vo-  
 cant*

*Quidam te Nemefim memorant, Rham-  
 nifui malis*

*Diceris , aſt alijs Nortia dicta Dea eſt*

*Simulachrum fortune.*

Pingebatur antiquitus Fortuna , cæca , ut duplicem haberet faciem , anteriorem albam & blandam ſed ea pillis carentem , poſteriorem autem nigram , inſanam , brutam , & capilloſam , in una manu viſcoſa Copiæ cornu , & altera geſtans regimen , pedibus alatis ſphæram calcans volubilem.

Joannes Frobenius , qui typographorum fuit celeberrimus , hanc in equo velociſſimi curſus equitantem formavit , quam ſati tenſo arcu ſequeretur dira neceſſitas . Quidam rotæ quatuor diverſitatibus inſtar , quæ forma omnibus apud plebeios eſt uſitatio.

*Explicatio.*

Cæcitatſ ratio eſt , non quod ipſa cæca ſit , ſed quod eos plerumque excæcat faciat , quos complexa eſt , unde Cicero de amicitia , *Fortuna* , inquit , *ut medicus ignarus multos excæcat.* Aut quod ea improvifo accedit & recedit , cæca pingitur.

Alba & nigra facies proſperitatem & rerum diſcrimina notant , unde in proverbio  
cir-

circumfertur. *Si quem fortuna nigrum scripserit, hunc non universum avum candidum reddere potest, hoc est cui fortuna refragatur, huic, quicquid tentaverit, infelicititer cedit. Vide Erasmus in hoc proverbio. Item intellige de calva & capillata figura.*

Sed per hoc quod Fortuna blanditur, à fronte paucum a tergo lapidem porrigere videtur, quod & illud Catonis calumnia indicat.

*Indiget fortuna fars ut ledere possit.*

Et Publius. *Fortuna, cum blanditur, catulatum venit.* Quorum sententias comprobatur Hircius lib. 4. de bello Alexandriaco. Fortuna plerumque eos, quos plurimis beneficiis ornavit, ad damniorem casum reservat. Seneca item dicit: *quem nimium fortuna fovet, hunc stultum facit.* Et alibi. *Neminem adversa fortuna cominus, nisi inter secunda fefellit.*

Bursallus ad Roscium.

*Si fortuna tibi committitur blanditur, in alium Telleris, ut lapsus mox graviore ruit. Exemplo tibi sunt Trojana & Persica re-*

*Argulus, et Romuleique duces.*

Infana demum fingitur, quia atrox & bruta, quia inter dignum aut indignum nequeat habere discrimen, quemadmodum Pacuvius testatur. Hinc est quod Virgilius cecinit:

*Exeritis bonos, eligis improbos,  
Fortuna immeritos inter hædendos,  
Fortuna innocuos claudibus afficit.  
Istos illa viros pauperis gradibus  
Indignos eadem drevius hat,  
Hæc aufert juvenes & ceteros summa,  
Injullo arbitrio tempora ducimus.  
Quod dignis adimit, trahit ad impios.  
Nec discrimen habet.*

Quare vulgus monui habere dicatur, scribit Beroaldus ad Roscium.

*Et vulgus est, bonos quæ præditi &  
archa,  
Auceps ut vulgo prendere tentat aves.*

Cum copia & gubernaculo hunc regunt, tanquam hæc opes tribunt, & humanarum rerum regimen obducunt. Cui opinioni & Virgilius assensit, fortunam omnipotentem vocans. Et historicus, qui ait: Sed profecto fortuna in omni re dominat. Hinc Beroaldinum carmen.

*Ipsa gubernaculum gestas, quia onusta gubernas,*

*Et quia tradis res, copia juncta tibi est.*

Sphæra sub pedibus, fortunæ exprimit naturam, quam stabilem Boetius vocat, cum maxime instabilis est huc & illuc cursu ambiguis volans, unde Estuaria, sive Buripus vocatur in Adagio. Quod etiam Placuvius his declarat verbus: *Saxi aduersar globuli predicant esse volubilem, quia quæ fixam impulerit fors, eo cadit, & fortassis assument.* Et Beuoldus:

*Hæc Deus non stabilis, varia est & lubrica & omni*

*Mobilior vento, mobiliorque polo.*

Quod autem equitantes simulamus, id est, quia cum fastu humiles præterire solet, quos denum suis sycophantis & blaspheuiis in arrogantiam allicit, juxta hæc, quod vulgo dici solet, fortuna insolentes laqueos, quos eodem mortis necessitat, ut nimia superbia sequitur, Cuius præpotentia, quod Fortunæ captiui sunt.

*Pallida mors æquo pulsat pede pauperum tabernas*

*Regumque turres.*

At rotæ diversitates quatuor , tot hominum gradus sive ordines indicant. Quidam enim sunt in summa prosperitate , & tales sunt elevati in rota fortunæ. Alii sunt in summa adversitate , & illi jacent dejecti sub rota. Tertii declinant de prosperitate in adversitatem , tales descendunt de summitate. Quarta vero procedunt de adversitate in prosperitatem , tales ascendant , unde fit *Alano* :

*Præcipitem movet illa rotæ ,  
Hos premit , hos elevat , hoc ducit , co-  
git illos ,  
Cogit & in varias homines descendere ad-  
sus.*

## DE GENIO.

### CAPUT XXXI.

#### *De nomine & simulatione.*

**G**enius est numen quoddam famili-  
are , quod nobis nescimus latere  
ut Servius scribit lib. 6. *Æneid.* Hunc  
Censorinus assererebat (ut alii scribunt) Ge-  
nium dici , quod ut gignatur curat , scilicet  
quia unâ nobiscum gignitur , aut quod  
genitos semper tutatur. Eundemque esse  
Ge-

Genium & Larem ostendit. Nam is à matre sua Lara quoque Lar dictus est, quæ filia Almonis extitit.

Euclydes Socraticus duplicem omnibus appositum esse Genium dixit, bonum & malum. Sed hos Christiana veritas angelos vocat, non cum nascente genitos, sed nato sociatos, quorum alter bonus, in bonum semper urget quem servat, alter autem malus in contrarium nititur.

Sunt & qui g'nales Deos dixerunt, aquam, terram, ignem, ætherem, ut auctor est Pellus, quod omnium sint rerum semina.

Duodecim quoque signa & lunam & solem, Geniales dixere veteres, à gerendo, quia plurimum posse putantur, unde eos & Genios appellarunt. Alii naturæ Deum definierunt Genium, unde *indulgere genio pro obsequi naturæ, & voluptatibus operam dare*: sicut e contrario *defranda e genio*, quod est *interrumpere voluptatem*. Hinc *genialis hyems* dicta, hoc est *voluptuosa*. & *genialis homo hospitius*. *Genialis lectus* qui in cupiis sterminat, vel quod in eo indulgemus genio, vel quod in honorem Genii apparatur, vel à generandis liberis.

Hinc item vni omnium generanda-



rum rerum attribuerunt, unde hominum quoque dicebatur parens: sic Paulus Marfus.

*Imago Genii.*

Is autem per anguem ostendebatur: testis Anthonius Fannentis, quo tamen anguibento non ostendit.

Hinc præterea frons dicata est, ut auris memoriæ, dextra Fides, pectus misericordiæ, eodem Anthonio dicente. De hoc Deo plura scribit Erasmus, vi immortalitatis dignus, in proverbio: *Genius bonus.*

## DE VIRTUTE DEÆ.

### CAPUT XXXII

*Quid sit.*

SEVENTISSIMI ac diutissimeque philosophorum summum bonum in honesto, hoc est, in ipsa virtute posuerunt, existimantes solum sapientiam esse bonum. Unde exit illud Horatianum.

*Ad summam, sapientiam minor est Fave, dives,*

*Liber, honoratus, pulcher, rex demum regum.*

E

Et ob eam causam virtutem belli Orchestram possidere veteres crediderunt.

Est autem virtus vitium fugare, & sapientia prima, stultitia caruisse, author est Horat. lib. 1. Epistola. Et Lucil. Satyre conditor virtutem his versibus enarrat.

*Virtus est homini scire id quod quæque  
habeat res,*

*Virtus scire homini rectum, utile, quid  
sit honestum,*

*Qua bona, quæ mala, quod inuit, turpe,  
inhonestum,*

*Virtus querenda rei finem scireque modumque,*

*Virtus de vitis pretium persolvere posse,*

*Virtus id dare, quod re ipsa debetur bonori,*

*Hostem esse atque inimicum hominum,  
morumque malorum:*

*Contra defensorem hominum, morumque bonorum.*

Poeta Comicus in Amphitruone, sic ait: Virtus omnibus rebus ante posita, libertas, salus, vita, res, parentes, patria, & prognati, tutantur, servantur. Virtus omnia in se habet, omnia adsunt bona quoniam pater est virtus. Seneca lib.

lib. epistolar. 9. ad Lucilium: *Virtus*, inquit, *est recta ratio*. Augustinus *virtutem bene vivendi artem dicit*. Cicero in *Tuscul. quæsti. ad beate vivendum satis posse virtutem* autumat. Cui astipulatur Silius illo versu.

*Ipsa quidem virtus sibi met pulcherrima  
merces.*

Claudianus.

*Ipsa quidem virtus pretium sibi solamine  
late*

*Fortuna sedata nitet, nec fastidium ulli  
Frigitur, plausu petit aut clarescere iocunda  
Nil opis externa cupiens, nil indige laudibus,*

*Divitibus animosa suis, immotaque cunctis  
Casibus, ex alta mortalia despicit arce.*

Ea quippe à vici appellata est, non à virtus maxime vicium dicitur, à Ciceroni credendum.

*Simulacrum*

Virtutis autem simulacrum in loco quadrato, pulverulentum, capillis inasfectatis, callolis manibus, virisque vultu, sedebat intuens coelitus.

*Expositio*

Quemadmodum fortunæ alcem volubilem,

lem, sphaerę symbulo indicaverunt antiqui, sic virtutis pertinacem constantiam, saxo quadrato & immobili. Quod Hermannus Buschius his versibus exponit.

*Argentum cedit virtuti, cedit & aurum,  
Subjacet imperium virtuti, terra fretum-  
que,*

*Et meritis dom. nam sidera cuncta suam.*

Aut ideo in saxo quadrato sedet, quia numerus quaternarius continet in se omnem vim & perfectionem numeri. Cui assimulatur vir bonus, qui virtutis perfectiones complectitur omnes, quibus bene & recte utitur in quacunque fortuna. Unde neque varius esse, neque à fortunæ afflatu mutari potest, sed æqualis est semper ac rectus. Ex qua re natum est, ut talem virum teragonum sive quadratum appelleremus. Luge Coelium lib. 10. Reliquum figuræ ad improbum laborem, quo virtutis æquivalentur præmia, denotat. Cujus rei exemplo est Hercules solum leonis exuvias totius, qui antequam voluptates multarumque devenerit, ciliosas sibi manus comparavit & virium conatu fortem præstitit virum, non verbis aut oretenus, sed factis atque re ipsa: quod maximum est juxta illud Mantuani apoph-

*prophthegma: De virtutibus loqui minimum est, sed virtutibus uti labore, Sampsonis est opus: ad quod Cicero alludit Virtutis laus, inquit, omnis in actione consistit.*

Virtus in cœlum erecta, continua rerum divinarum notat contemplationes, ex quibus originem traxit quod Seneca scribit ad Gallionem.

## DE CONCORDIA.

### CAPUT XXXIII.

Concordia à Romanis Dea credita est, quod parvas res magnas fieri juberet, juxta illud Sallustii dictum: *Concordia parvæ res crescunt, discordia vix maxime dilabuntur.* Hæc templum habuit Romæ non longe a locu Curtio in monte Palatino, quod Livius Drusillus constituerat, ut Ovidius lib. 1. Falto commemorat.

#### *Simulachrum.*

Colebatur autem Concordia sub formâ Ciconiæ, quæ alia lingua pelargus vocatur, aut quia Concordiæ erat sacrata hæc avis, aut quod in parentes multum unanimitas,

nimitas

nimitatis & concordie ostendere videatur. Unde Petronius eam *pietaticultricem* nuncupat. Et Solius capite 37. inquit: *Ciconis inest pietas eximia*. Etenim quantum temporis foetibus educandis elargiuntur, tantum & ipsæ à pullis suis invicem aluntur. Hoc Plinius lib. 10. cap. 23. comprobat his verbis: *Ciconiæ, inquit, genericum senectam invicem edocant*.

Hanc ob causam, antiquitus in regum summo sceptro Ciconiæ figura ponebatur, in imo Hippopotamus, ut ipso gestamine admoneretur, concordiam seu pietatem plurimum facere oportere, violentiam cohibere. Nam Hippopotamus animal efferum est ac violentum, atque adeò impium, quippe quod interfecto patre matrem init, Testis est Plutarchus in commentario, cui titulus, *utra animalia sint prudentiora, terrestria an aquantia*. Vide Erasmus in Proverbio ἀνπιελαγείν. Et Lud. Cælius lib. 13. cap. 66.

At Angelus Politianus vir & Græce & Latine peritus Heliani scriptoris testimonio ductus, *sub specie cornicis colebatur*, inquit, *Concordia*. Cornices enim sunt inter se hostissimæ avium, quæ cum societatem coierunt, maximopere invicem se dili-

diligunt. Nam altera extincta, compar viduam agit ætatem. Cæterum veteres in nuptiis post Hymneum cornicem invocabant, signumque id erat concordia jam conjunctis matrimonii jugo, ut, qui librorum quærendorum gratia convenissent, in unanimitate viverent. Hæc Helianus.

## DE DECRETA DEA SYRORUM.

### CAPUT XXXIV.

**E**t Syri coluerunt Deam sub facie humana & piscis corpore: cujus nomen Decreta extitit. De hac Dea sic fabulatur Diodorus: *Venerem ait aliquando obviam factam Dea, quam Syri Decretam nominant. quæ cum amore cujusdam adolescentis speciosi exarserat Veneris instinctu, peperit filiam, quam pudore ducta & pœnitentia, ad loca quædam deserta & saxosa exposuit, ubi ab avibus est enutrita. Ipsa vero Dea ob dolorem in lacum se abiecit, ubi casu quodam in piscem est conversa, sub cuius imagine colebatur a posteris: qui Syriaco more postmodum a piscibus, tanquam a sacris abstinuerunt.* Hæc Diodorus.

Sed

Sed ejus abſtinentiæ aliam quoque rationem aſcribere viſum eſt, cujus ab Higinio fuccincte habetur mentio. *Quodam tempore, inquit, Venerem cum Cupidine filio in Syriam ad flumen Euphratem veniſſe compertum eſt, ibidemque repente typhona apparuiſſe, Venerem in flumen ſe cum filio abjeciſſe, & in piſcis formam ſe mutaſſe, quo facto, periculo liberatos fuiſſe, deſtititſeque Syros his locis proximis piſces edere, quod timerent ne quis numen aliquod gula vitio deboneſtaret. Et hujus fabulæ meminit Ovidius 2. Faſtorum.*

## DE GRATIIS.

### CAPUT. XXXV.

**G**ratias duas in religione habuit Lacedæmoniorum pietas, ſed Athenienſium tres. Haſ in Theogonia cecinit Heſiodus eſſe Jovis & Eurymones filias, ſive Eurydomenes aut Eurymeduſes: quamvis Cicero haſ ex Herbo & Nocte ortas exiſtimat. Alii ex Venere & Libero patre. Facile tamen crediderim ex Jove & Eurydomene: quoniam à Jove omnis gratia procedit, & Eurydomene ab abuſu dante dando nomen habet: Vel ex Jove & Eurymone.



rymone , quæ ab abundanter retribuendo appellata est : Seu Eurymeduse , quod rego significat , quod , qui liberales & munifici sunt , cæteris imperare consueverunt. Neque videtur absurdum eas ex Baccho & Venere traxisse ortum : quoniam horum Deorum muneribus potissimum gratiæ conciliantur. Hæ ab Orpheo in Hymnis dicuntur his nominibus : *Aglagia* , quod est lætitia : nam merito lætari videntur & qui dant & qui accipiunt beneficium. Unde & Charites vocantur à Græcis. *Thalia* , id est , viriditas : quod beneficium nunquam languet , sed semper viret. *Euphrosine* , quæ delectationem notat.

Tres autem ideo esse prodiderunt , quia & benefici in alios esse debemus , & aliorum beneficia suscipere , & iis , qui in nos liberales fuerunt , retribuere. Dare autem , accipere , & referre , tres actus sunt inter se distincti.

Alii vero ideo dicunt tres Grantias esse , quia acceptum beneficium cum fœnore reddi debet. Vide Lact. lib. Et ex hac causa sic formaverunt earum imagines :

*Simulachrum.*

Ut una earum averfam faciem teneret ,  
quasi

quasi à nobis profecta , duæ vero nos aspicerent , unde & connexis manibus , in Accidatio fonte , qui est Orchomeni Boetiae urbe , ut Mela scribit , lavantes.

*Scyrpi solutio.*

Una averfa incedere , & aliae duæ ad nos respicere pinguntur , quoniam profecta à nobis gratia , duplex reverti solet. Propter quod inquit Virgilius : *Nec te certasse priorem Paniteat.* Nudæ pingebantur , quia beneficia fūco carere debent , & nullo velamine obtegi. Item connexæ , quia insolubiles esse Gratias decet , ut beneficium semper beneficium pariat , perpetuumque sit amicitiae fœdus. Vide Erasmi proverbium : *Gratia gratiam parit.*

Lavari dicuntur in fonte , quoniam pura esse beneficia oportet , & nihil sordidum , nullamque spem retributionis habere. De his multa Lactantius lib. 2.

Porro moris fuisse antiqui novimus , ait Coelius , ut in urbibus Gratiarum substruerentur templa , quale primus fecit Etheocles Orchomeniorum rex , ut docet Strab. Geogr. lib. 9. Ideo autem , quia civitas servatur , cum retribuitur ; rependiturque ex rationis similitudine , ut , si quis ali-

quem malo affecerit, idem ex rationis libra à lege referat. Quod si bonum, itidem bonum, si gratia, gratiam. Sic Coelius libro. 12.

Neque hoc prætereundum censuimus; Gratiarum simulachra veteribus non fuisse citra indumenta, ut inquit Pausanias, qui, cur antiquorum ratione mutata pingantur nudæ, se testatur nescire.

## DE BONÆ DEÆ. SIVE FATUÆ.

### CAPUT XXXVI.

**C**alendis Maii celebrabant Romani Bonæ Deæ festum, unde hanc Majam seu Majestatem uxorem Vulcani quidam dixerunt, quæ eodem colebatur tempore. Ea quippe terra est, quæ bona recte dicitur, quod omnium nobis ad victum bonorum causa est. Unde & Opem vocatam censeamus, quod ipsius ope atque auxilio vita constat.

Hanc Fatuam à multis nominari compertissimum est, quod infantes partu editi, non prius vocem edunt, quam terram attigerint: Vel quod mulieribus fata canere consuevisset, ut Faunus viris.

Et Faunam, quod omni usui animantium faveret. Damiam item, quia ei in operto sacrificabatur. Unde sacerdos ejus Damatris appellabatur, & sacrificium, quod ei fiebat, Damium, à contrario sensu, quod minime esset δημόσιον, hoc est publicum. Sed ideo publicum appellari consuevit, quia mos fuit quotannis pro salute Po. Ro. in ædibus pontificis maximi huic Deæ sacra fieri, ut legimus in vita Ciceronis: quibus faciendis tantum mulieres aderant.

Hanc quidam Medæam putant, quod in ejus æde omne genus herbarum esset, ex quibus Antistites dabant plærumque medicinas: & quod templum ejus virum introire non liceret, propter injuriam, quam ab ingrato viro Jasone perpessa est.

Romani eam Dryada, Fauni uxorem existimant, in cujus sacris mulieres multa bacchanalibus similia faciebant, peragentes noctu magnam partem sacrorum sonis tibiarum & longis vigiliis. Quidam Fauni filiam: quæ, quod obstitisset voluntati patris in amorem suum lapsi, virga myrtea verberata est: unde talem haberi virginem in ejus templo religio fuit. Lege Macrob. lib. 1. Satur. cap. 12. qui eam rem suam tractat.

Sunt qui Floram dicunt Bonam Deam, in cujus æde omni florum genere exornata, solæ mulieres conspiciebantur. Alii quoque Semelen crediderunt, Alii Proserpinam: unde porca ci rem divinam testantur factam, quia segetem, quam mortalibus Ceres in usum tribuere solet, porca gaudet præter commodum absumere. Et Plutarchus inquit, *Roma Bona Dea colitur, quam Græci quidem Gineciam nominant.* Hæc ferè omnia scribunt Macrobius. Satur. & Plutarchus in Cæsare: qui & alia multa adducunt, quæ lacónismo studentes de industria omisimus.

*Simulachrum.*

Huic in sinistra sceptrum erat regium, quoniam potentiam Junonis hanc testatur habere Macrobius.

## D E Æ O L O .

### C A P U T   X X X V I I .

*De nomine.*

**Æ**olus Jovis ex Acesta filius, apud nos varius & dolosus interpretatur; quoniam Deus ventorum habitus est, quo-

quorum flamina vario meatu feruntur, & dolose navigantium spes decipiunt. Hic insulas Tirrheni maris possedit, quæ ab eo sunt Aeolides dictæ. Ejus imago sic erat formata.

*Imago Æoli.*

Stabat in antro vir coronatus & linea veste præcinctus, habens in utraque manu pro tuba concham ori appellatam, sub utroque pede follem fabril instrumentum: A sinistro latere Juno æris typus videbatur, à dextro autem Nympha feminuda uxoris vice.

*Mythologici simulachri explanatio.*

Antri ratio est, quod (ut Albertus literis demandavit) ventos esse vapores ex terra cavernulis superiora æris transcendentis, credunt philosophi. Reliqua ad hujus Dei referuntur dominium, quod ideo Æolo tribuitur: quia, ut Varro indicat, tempore belli Trojani, apud insulas Sicilia & Italia propinquas, ex consurgentibus nebulis futuros ventos sic certo omine divinabat, ut eos à rudibus sit in sua potestate habuisse creditus. At Diodorus lib. 5. aliud adducit, nempe quod nautas velis uti docuerit, & observatione ignis, qui venti fu-

turi essent prædixerit. Prioribus quoque consentanea scribit Plin. lib. 3. cap. 9.

## DE ANNO.

### CAPUT XXXVIII.

**A**nno ascripserunt veteres ut rerum omnium patri, id commendationis, quod Terræ Deorum hominumque parenti quidam ascribendum opinati sunt, videlicet Annum productivæ virtutis potentem & non agrum. Quod referri à Theophrasto lib. 8. de plantis comprobat eximiæ doctrinæ Erasmus Rot.

Est autem annus auctore Macrobi. non solum is, quem nunc communis omnium usus appellat, quique à nonnullis in octo dividitur sesquimenses, & quatuor tempora, Ver, Aestatem, Autumnum & Hyemem, sed annus est singulorum luminum sive stellarum emenso omni cœli circuitu à certo loco in eundem locum reditus.

Dicitur autem annus à circuitu temporis: quia veteres an pro circum ponere solebant, ut Cato in Originibus Oratorum. id est, circum terminum, & ambire circumire. Circumit enim annus in se rediens, velut anulus. Lege Macrobi. Satur. lib. 1. cap. 4.

*Anni*

*Anni Simulachrum.*

*Ante inventas literas ( ut Servius ait ) indicabatur annus picto dracone caudam suam mordente, ut anni introitus & finis in uno puncto notarentur. Unde & Pan totius naturæ Deus, pedum, hoc est, baculum recurvum habet propter annum, qui in se recurrit, ut supra scripsimus in capite 17.*

# DE JANUARIO.

## CAPUT XXXIX.

### *De nomine.*

**A**t quoniam anni adduximus typum, visum est operæ pretium fore, ejus quoque numerosę prolis, hoc est, mensium, sermonem facere, quos hoc enigmate Anninatos esse percepimus. *Ænigma est Cleoboli. Unus est pater, isque duodecim filios habet, eorum singulis triginta sunt filie, quarum alie candidae alie nigrae sunt, immortales vero sunt, & moriuntur omnes. Ibi aliquot dies anno detractos videri, non moveat nos, quoniam Cleobolus tempore Julii Cæsaris vixit, quo*



annus tot solum habuit dies. Primus igitur mensium Januarius est, quem cum Februario Numa Pompilius anno Romuli adjecit, qui decem tantum mensium fuit, à Martio sumens exordium.

Hunc autem Numa ideo primum esse voluit, & non Martium, *quod in omnibus placeret rem urbanam bellicæ in honore præferri*, ut Plutarch. in Numa scribit. Quamvis nonnulli dixerint ideo Januarium coeptum primum omnium numerari, quod exactis regibus, Kalendis Januariis primi consules creati fuerint. Is à Jano bicipite nomen habet, qui sive Genius, sive rex fuerit, dicitur ferum & sylvestrem cultum in urbanum civilemque mutasse. Hinc est quod ei omne principium sacrauit antiquitas.

*Imago Januarii.*

Pingebatur vero geniali voragine absumentes epulas, & in manu portans scyphum potu repletum: quia tunc animalia abundantiorē cibi copiam exigunt propter mutationem caloris exterioris ad interiora. Propter quod hoc tempore maxime viget appetitus.

Neque hoc prætereundum censuimus silentio, mensibus singulis suum peculiare

numen in veterum superstitione, anxietateque vanitate additum. Siquidem Ianuarii pontificium habere Juno credebatur, Februarii Neptunus, Martii Minerva, Aprilis Venus, Maii Apollo, Junii Mercurius, Julii Jupiter, Augusti Ceres, Septembris Vulcanus, Octobris Mars, Novembris Diana, Decembris Vesta.

Extat Q. Ennii carmen Deorum penatium nomina continens, quos patrios alii, Varro Terentius etiam urbanos nominat:

*Juno, Vesta, Minerva, Ceresque, Diana, Venus, Mars, Mercurius, Jovis, Neptunus, Vulcanus, Apollo*

## DE FEBRUARIO.

### CAPUT XL.

*De nomine.*

**F**ebruarius lustrationis & expiationis mensis fuit authore Plutarcho, mensium secundus, Dictus est, ut Festo placeat, *quod tum populus februetur*, hoc est, lustraretur ac purgaretur. Vel à Junone februata, quam alii februalem, Romani Februlum vocant, quod ipsi eo mense sacra

facra fiebant: Ejusque ferie erant Lupercalia, quo die mulieres februabantur à Lupercis amiculo Junonis, id est, pelle caprina: quam ob causam is quoque dies februatus appellabatur. Lege Ovid. Fast. lib. 2. Anglicus à Februo, hoc est, à Plutone vocari autumat, cui ille mensis erat sacratus.

*Februarii imago.*

Depingitur autem Febrarius senex ad ignem pedes calefaciens, quoniam hoc mense potissimum grassatur frigoris injuria, propter diuturnam solis elongationem quę præcessit: teste Anglico.

## DE MARTIO.

### CAPUT XLI.

*De Martii nomine.*

**T**ertius mensis, vel juxta seriem Romuli primus, à Marte Romuli patre, & nominis Romani authore, Martius dicitur. Vel, quemadmodum Isidorus scribit, quod hoc mense animantia ad marem, id est, coitum moveantur.

*Martii pictura.*

Is tanquam vinitor, sive hortulani instar formabatur antiquitus. Nam in mense Martio aperiuntur pori terre, per quos humores ascendunt in arbores & reliqua. Unde hoc tempore eas arbores & vitium per totum annum culta, necessum est purgari, ne solum in ligna steriles luxurient.

DE APRILI.

CAPUT XLII.

*De nomine*

Quartum mensem Aprilem nominavit Romulus, quasi Aphrilem, à spuma quam Græci ἀφρόν vocant, unde orta Venus putabatur: ut quemadmodum primus mensis Martius (juxta ordinem quem Romulus fecit) à patre suo Marte, ita secundus ab Æneæ matre Veneris haberet nomen, & ii potissimum menses auspicarentur, à quibus Romani nominis origo processisset. Alii tamen putant, Romulum vel altiore prudentia, vel certi numinis providentia, ita primos ordinasse

nasse menses, ut, cum præcedens Marti esset dicatus, Deo plerumque hominum necatori, ut Homerus ait, secundus Veneri dicaretur, quæ vim ejus quasi beneficio leniret. Sic Macrobius.

Sunt etiam qui non à Venere hunc mensem appellatum existiment, sed ab aperiendo dictum Aprilem, quasi Aprilem, quoniam cum ante æquinoctium vernum triste sit cœlum, & nubibus obductum, mare item navigantibus clausum, terræ etiam ipsæ ab aqua, aut pruina, aut ne-  
vibus contegantur, ea omnia, verno, id est, hoc mense aperiuntur. Sic Athenienses ἀπριλιῶνα hunc mensem vocant, quod omnia eo florescant. Hæc Varro libro quinto,

*Effigies Aprilis.*

Is vero mensis formabatur, hominis in dextra florem portantis effigie: quoniam tunc apertis terræ cavernulis, ea floribus incipit vestiri. Quod eleganter indicat Hor. Odarum lib. 4. ubi veris adventum describit.

*Diffugere nives, redeunt jam gramina  
campis,  
Arboribusque coma:*

*Mutat terra vices, & decrefcentia ripas*

*Flumina praterunt:*

*Gratia cum Nymphis, geminisque ſorori-*  
*bus, audet*

*Ducere nuda choros.*

## DE MAIO.

### CAPUT XLIII.

*De nomine Maii.*

**M**ajum Romulus tertium menſem poſuit, apud nos, propter eos, quos Pompilius adjecit, quintus eſt. De ejus nomine inter autores lata diſſentio eſt. Nam Fulvius Romulum dicit, poſtquam populum in majores minoresque diviſit, ut altera pars conſilio, altera armis rempub. tueretur, in honorem utriuſque partis, hunc Majum, ſequentem Junium menſem vocaſſe,

Sunt qui hunc menſem ad noſtros faſtos à Tuſculanis traxiſſe commemorent: apud quos nunc quoque vocatur Deus Majus, qui eſt Juppiter, à magnitudine ſcilicet & majeſtate dictus.

Cingius menſem nominatum putat à Maja, quam Vulcani dixit uxorem: ar-  
gu-

gumentoque utitur, quod flamen Vulcanis Calendis Maii huic Deæ rem divinam fecit. Contendunt alii Majam Mercurii matrem mensi nomen dedisse: hinc maxime probantes, quod hoc mense mercatores omnes Majæ, pariterque Mercurio sacrificant. Hæc Macrobius. Anglicus 9. lib. Madium vocari affirmat, à madefactione pluviarum: quia hoc mense Pleiades, Hyades, & aliæ stellæ pluviales oriuntur, quarum virtute & beneficio pluvix & rores ad feminum in agris demittuntur irrigationem.

*Imago ejus mensis.*

Sed quoniam hoc tempore omnia ridet, florent, virent, aves citantur ad cantum & amorem, pecudes saltant, hominumque geminantur gaudia, ideo coloribus his ducebant Maii typum, ut adolescens amœnitatis studio in manu volucrum portans equitaret.

D E J U N I O.

CAPUT XLIV.

*De nomine.*

**J**unius Majum sequitur, aut ex parte populi (ut supra diximus) nominatus;

natus : aut, ut Cingius arbitratur, quod Junonius apud Latīnos ante vocitatus, di-  
 uque apud Aricinos, Prænestinosque  
 hac appellatione in fastos relatus sit, adēo  
 ut apud majores quoque nostros hæc ap-  
 pellatio manserit : sed post, detritis qui-  
 busdam literis, ex Junonio Junius sit  
 dictus. Nam & ædes Junoni Monete  
 Cal. Juniis dedicata est. Nonnulli pu-  
 taverunt, Junium mensem à Junio Bruto,  
 qui primus Romę consul factus est, no-  
 minatum, quod hoc mense, id est, Ca-  
 len. Juniis pulso Tarquinio, sacrum Car-  
 nę Deę in Cœlio monte voti reus fecerit.  
 Sic Macrobius.

*Junii simulachrum.*

Junii solstitialis mensis dextra fœnaria  
 falce erat insignis. Nam in ejus medio  
 sol cancerum intrat, unde calore solis hu-  
 morem in radicibus desiccante, quicquid  
 graminis est, ad maturitatem vergit, &  
 inde fœnisei operam desiderat.

DE JULIO.

CAPUT XLV.

*De nomine.*

**S**equitur Julius, qui, cum secundum  
 Romuli ordinationem Martio anni  
 K tenente



tenente principium , Quintilis à numero vocaretur , nihilominus tamen etiam post prepositos à Numa Januarium ac Februarium , retinuit nomen , cum non videretur jam quintus esse , sed septimus. At postea in honorem Julii Cæsaris dictatoris , legem ferente M. Antonio filio consule , Julius appellatus est , quod hoc mense ad quartum Idus Quintilis , Julius procreatus sit.

*Quintilis imago.*

Quia tempus hujus mensis conveniens est messioni , propter solis fervorem , qui tunc actum suum in leone adimplet , hic cum falce pingitur messoria.

## DE AUGUSTO.

### CAPUT XLVI.

*De nomine.*

**D**ehinc Augustus succedit , qui antea Sextilis vocabatur , donec honori Augusti ex senatus consulto consecratus est , cujus verba hæc fuerunt. *Cum imperator Caesar Augustus mense sextili , & primum consulatum inierit , & triumphos tres*  
in

## MYTHOLOGICA. 147

*in urbem intulerit, & ex Faniculo legiones deducta, secutaque sint ejus auspicia ac fidem, & Aegyptus hoc mense in potestatem potuli Romani redacta est, finisque hoc mense bellis civilibus impositus sit; atque ob has causas hic mensis huic imperio felicissimus sit ac fuerit, placere senatui, ut hic mensis Augustus appelletur: sunt hæc Macrobiï verba.*

### *Simulachrum.*

Pingebatur hic mensis cum flagello & quadriga, privans terram frugibus quoniam in hoc mense fruges colliguntur in horrea.

## DE SEPTEMBRI.

### CAPÛT XLVII.

#### *De nomine & simulachro.*

**S**eptember nonus est mensis, quia septimus ab imbre, hoc est à Martio, quando solent imbres inundare, Est autem mensis iste, finis æstatis & principium autumnii, & ideo pingitur tanquam vindemiator colligens uvas. Nisi illud significet hæc pictura, quod Columella

scribit septimo Calen. Septembres stellam  
oriri, quam vindemiatores vocitant,  
que (ut Plin. scribit) mane exorians  
vindemię promittit maturitatem, unde  
hoc tempore vinalia celebrabant, ideo  
Veneri sacra, quod ut Plutarchus scri-  
bit, in vinalibus multum vini è templo  
Veneris profundi moris fuerit: vel ut o-  
stenderetur diem festum agi sobrie oportere.  
Aut quod ferunt, Mezentium He-  
truscorum ducem ad Æneam misisse ali-  
quot, qui cum eo foedus facerent, ut an-  
nuatim certum vini numerum ab eo acci-  
peret, Quod postea cum Æneas negasset  
poscenti, Mezentius se Tirthenis datu-  
rum pollicitus est, si prelio vicisset. Re  
itaque cognita Æneam Diis immortalibus  
vinum consecrasse, & collectum, tem-  
plo Veneris effudisse. Erant autem vi-  
nalia festa de gustandis vinis instituta.

Iste mensis apud Hebręos in magna  
veneratione habebatur, quoniam septena-  
rium numerum perfectum crediderunt,  
unde septimus dies, septimus mensis &  
annus ceteris fuerunt insigniores, teste  
Anglico lib. nono cap. 16.

# DE OCTOBRI.

CAPUT XLVIII.

*De nomine & simulachro.*

**O**ctober ab imbre octavus, dicitur autem quasi octavus imber. Hunc mensem Domitianus suo nomine invaserat, sed ubi infaustum vocabulum ex omni ere vel saxo placuit eradi, menses quoque usurpatione tyrannice appellationis exuti sunt Romani. Sic Macrobius. Hic mensis susceptionem feminum disponit & habilitat: unde in similitudinem hominis feminantis formatur.

# DE NOVEMB.

CAPUT XLIX.

*De nomine & imagine.*

**U**ndecimus mensis est November, sic dictus, quod sit ab imbre novus. Is, quoniam, eo instante, animalia & potissimum fues impinguntur, quibus ut cibum habilem subministret, quercus fructu aggravatas rustici hominis instar liberat.

## DE DECEMB.

## CAPUT L.

*De nomine & figura.*

**D**ecember duodecimus est mēsis ab imbre Martii, qui est pluviosus decimus. In hoc mēse propter asperitatem & injuriam vehementis frigoris animalia domestica sunt exigui motus: unde etiam melius faginantur quam reliquis temporibus. Quapropter in hoc plærumque convivii adaptantur, & mēsem genialem vocant, id est, Geniis vel voluptatibus convenientem. Celebrabantur hoc quoque mēse Saturnalia, quæ & Genialia dici cœperunt propter voluptates delicatiores, quæ in his fiebant. *Nam genialia curare* (ut autor est Donat.) est *lantius vivere*: & *Genium defraudare*, est *necessaria & jucunda subtrahere*. Quid Genius, dictum est cap. 31. Is igitur mēsis lanii mactantis porcum figura pingebatur.

## DE CYBELE.

## CAPUT LI.

*De nomine.*

**S**ub Cybeles nomine terram coluerunt Phryges, unde Cy belen à monte  
Cy

Cybelo nominatam, matrem Deorum, quod omnia producat terra, vocaverunt, sic Plin. lib. 2. cap. 6. Et Almam ab *alendo*, Berecynthiam à *Berecynthio*, Dyn-  
dimenem à *Dyndimis*, Ideam ab *Ida*, ut scribit Geographus Strabo: Palem, quia pabulorum sit Dea, unde ejus festa *Parilia* dicebantur, quasi *palilia* ut Varro sentit, ut alii, quoniam pro partu pecoris ea sacra fiebant. Plura ejus Deæ nomina recenset Apulei. De aureo asino.

Hæc, cum singulari forma, prudentiaque præstaret, ab Apolline dilecta dicitur, & deinde jussu oraculi à Phrygibus pro Dea culta; inquit Diodorus.

Cybele & Coelum Varro Deos magnos esse voluit, licet alii Jovem Minervam, Ægyptii Isidem & Osiridem.

*Simulachrum.*

Simulachrum matris Deorum ferebatur à Gallis in curru, quem leones trahebant. Eratque sedentis mulieris effigies lapidibus preciosis & metalorum diversis generibus vestita, turritam portans in capite coronam, & clavum in manu.

*Expositio.*

Galli magnæ matris comites aut sacer-

dotes erant, Hi testa famia virilitatem sibi amputabant, unde à Nasone *semimares* vocantur: dicti autem à Gallo flumine Phrygiæ, quia, qui ex eo beberint, hoc furore capiuntur, ut se privent virilitatis parte. Tale *flumen* ut Plin. testatur, *calculosis medetur, sed in potando necessarius est modus, ne lymphatos agat.*

Cur se castraverint Galli, rationem pandit Herodotus, cujus verba subscripsi: *Singulis inquit, diebus totum corpus eradebant Galli, ne quid eis inter Deorum cultus aut pediculi aut alterius sordis crearetur: pluris enim faciebant se mundos esse quam decoros, unde etiam virilia circumcidebant.* Aliam autem rationem Servius ponit, sic inquiens: *Atis puer speciosus, cum magna matris sacris præisset, à Rege civitatis suæ amatus est, à quo quum intelligeret vim sibi instare, clam in sylvas profugit, ubi, cum inventus, vim ei studeret inferre, verenda stupratoris abstulit, qui moriens eandem ipsam corporis partem puero abstulisse dicitur, quem cum Antistites Dea semianimem sub pinu invenissent, perlatum in templum frustra rescicere conati, defunctum tumularunt.* Cujus ut perpetua memoria maneret, magna mater instituit, ut quotannis in sacris plangeretur, pinumque arborem tutela sua  
ad-

*adscriptit, effecitque, ut cultores sui viriles sibi partes amputarent gladiis suis, ut significetur, omnibus pro terra sua esse pugnandum.*

Sciendum &, hoc Propyrio philosopho dicente, ut refert divus Augustus, a quo Eusebius non dissentit, *Atin juvenem excastratum nihil aliud significare, quàm florem, qui decidit ante fructum.*

Leones matris Deorum currum trahunt, quia (ut placet Servio) *omnis feritas maternelæ affectioni subjacet: vel ut Macrobio, quia hæc Dea terra est, quæ ab ære vehitur, quem continet cæli ambitus, cujus natura similis est leonum validorum animalium, impetu atque fervore.*

Sustineri autem rotis eadem Dea dicitur, quia mundus rotatur & volubilis est. Sedet Dææ imago, nanque terra elementum est depressum ad infima.

Varius vestitus, terræ significat thesaurum, qui est metallorum & gemmarum virtus, At corona turrata, inæqualitatem terræ notat, quæ oppida, turres & montes sustinet.

Turrium quoque Cebelem dixerunt inventricem, sed Plinius libro septimo capite quinquagesimo sexto id muneris aliis assignat, inquit enim Thrason, *muros, turres, ut Theophrastus Egyptii invenerunt.*



Simulachrum cum clavi hoc præten-  
dit, quod terra verno tempore aperitur,  
hyemali autem clauditur, plura apud Ma-  
crobiū invenies.

## DE NOVE M. MUSIS.

### CAPUT. LII.

**N**ovem musas magni Jovis ex memo-  
ria scribit Hesiodus esse natas, li-  
cet Alcmaeon poeta, cœli & terræ mag-  
norum Deorum putaverit filias. Varro au-  
tem (ut scribit Servius) *tres tantum Musas*  
commemorat, quia omnem sonum natura  
triformem esse constat. Aut enim voce e-  
ditur, ut est eorum, qui buccis canunt:  
aut flatu ut tibiorum: aut pulsu ut lyræ  
& citharæ, quæ percutiendo sonora sunt.

Ob id autem postea novem esse finxe-  
re, quod quædam Græciæ civitas, apud  
tres artifices, terna quondam simulachra  
musarum facienda locaverat, eo consilio,  
ut tria, quæ pulchriora essent, emeret,  
& in templo Apollinis collocaret. Con-  
tingit autem, ut opera omnes æque pulchra  
formarent, propter quod cum Musæ om-  
nes civitati placuissent, omnes pariter e-  
mit

mit, & in templo Apollinis dedicavit. His postea Hesiodus, vel (ut alii volunt) alii, nomina imposuere. Primam à bonitate vocis dixere, καλλιόπην, secundam κλειώ à gloria & celebritate rerum gestarum, quas canit, historiarum enim fertur invenrix, tertiam ἑρατώ, vel à canendis amoribus, vel quod cantus ob omnibus desideretur. Quartam à voluptate & lascivia cantus θάλεια: θάλλειν enim virere, germinare sive florescere est, quoniam nihil magis viret quam doctrina. Huic Musæ ferendarum arborum attribunt inventionem. Quintam μελπομένην, à canendo, vel concentum faciendo. Sextam περσιχόρην, à delectandis choreis, ideo à quibusdam Citharistria dicitur. Septimam εὐτέρπην, à suavitate concentus. Octavam πολύμνιον, à multitudine carminum sive laudationum. Nonam οὐρανίαν, quasi cœlestem vel à cœlestium rerum cantu, vel de cantus divinitate.

Proclus Diadochus in Hesiodicis enarrationibus scribit, Musas ideo tradi Jovis filias & Mnemosynes, quod, qui ad prociñctum in literaria palæstra desideret, hunc necesse sit in intelligendi percipiendique potestate, atque item retinendi præcipue pollere, Hæc Coelius,

Eas dixerunt habitare in vèrtice Heliconis, qui mons est Bœotiæ, cujus radix five fundamentum faxcum est, tetricum & adeo asperum, ut ad eas non pateat aditus, nisi per scrupulosam viam, in qua, antequam medium quis superaverit, multum sudarit & alserit per tot discrimina rerum, juxta illud Faustinum:

*Alta Cleonao querenda est Fama labore.*

Ab hoc monte Heliconiades appellantur. Nec procul distat à Parnassò Phocidis monte, cœmulus illi & altitudine & ambitu, uterque nivofus, & rupes amborum faxea est, à quo Parnafides. & quoniam Phòcici confinis est Aonia, etiam Aonides sunt dictæ.

Dicuntur item Cythæriades, à saltu, qui *Cytharon* vocatur, in quo similiter habitare musæ feruntur. Et Piërides à *Piëria*, quæ regio est Macedoniæ, Emathia antea dicta. Diuntur & Thespiades à *Thespia* oppido Heliconi propinquo, quod patria fuit Thespidis, quæ Musarum nutritrix traditur fuisse. Item Hippocrenides ab Heliconis pulcherrimo fonte, qui à Græcis Hippocrene dicitur, hoc est *equi fons*. Et Pegafides, quod equis in eo fontis loco, saxum ungula feriens, fontem aperuerit. Quem equum putant esse hunc, qui in

cœ-

coelo inter sydera collocatus est, quamvis alii Bellerophontis equum esse dicant.

Item Musæ Libethrides appellatæ à fonte Macedoniae, qui Musis erat sacer Pipleides quoque sive Pipleæ à Pipleo Macedoniae fonte sive vico, vel à Pipleo Orcomenorum monte, vel à Peplo genere vestis: Mnemosydes à matre Mnemosyne hoc est *memoria*.

Illas novem Musas sub tutela Appolinis esse fabulantur, quod typum humanæ vocis proferat is Deus, Musæ autem vocis instrumentorum (quorum sunt novem) exemplar, ut placet Aneximandro, sunt enim quatuor dentis anteriores, quorum si unus desit non jam vox sed sibilus oritur, duo labia, lingua, palatus, quem græco nomine *ῥέγων* vocant, & gutturis profunditas, interque hæc omnia Apollo, id est *humana vox* profluit.

Sic de Musis & earum inventis scribit Virgilius:

*Clio gesta canens transactis tempora reddit,*

*Melpomene tragico proclamat mæsta botu,*

*Cemmica lascivo gaudet sermone Thalia;*

*Dulciloquis calamos Enterpe flatibus urget,*

*Ter-*

*Terpsichore affectus citharis movet, impe-*  
*rat, auget,*  
*Plectra gerens Erato saltat pede, carmine,*  
*vultu,*  
*Carmina Calliope libris heroica mandat,*  
*Urania poli motus scrutatur & astra,*  
*Signat cuncta manu, loquitur Polymnia*  
*gestu,*  
*Mentis Apollinea vis has movet undique*  
*Majas,*  
*In medio residens complectitur omnia*  
*Phæbus.*

## A R G U S.

## CAPUT LIII.

**A**rgus filius Aristoris, per ambitum  
 capitis multorum oculorum lumi-  
 nibus fuit, quorum solum bini capie-  
 bant somnum quod sic Ovidius 1. Trans-  
 for. indicat:

*Centum luminibus cinctum caput Argus*  
*habebat*

*Inque suis vicibus capiebant bina quie-*  
*tem.*

*Cetera servabant atque in statione mane-*  
*bant.*

Is Junonis imperio custodisse fertur Inachi filiam, ejus Dæ pellicem, conversam in bovis formam. At Mercurius, à Jove missus, dulcedine cantus sopitum occidit, & oculorum multitudinem pavonis caudæ Juno imposuit, unde avis *Junonia* pavo dicitur. Argum fallere, quid sit, scribit Erasmus virtutum omnigenarum celeberrimus cultor, in proverbio: *Momo satis facere.*

*Expositio.*

Argus est cœlum stellarum luce distinctum, quibus inesse quædam species cœlestium videtur oculorum. *Cælum autem, teste Macrobo. Argum vocitari placuit, à candore & velocitate, Et videtur terra desuper observari, quam Egyptii hieroglyphicis literis cum significare voluerunt, bovis posuerunt figuram.*

Is ergo ambitus cœli, stellarum luminibus ornatus, tunc existimatur enectus à Mercurio, cum sol diurno tempore observando, sydera veluti enecat vi luminis sui, conspectum eorum auferendo mortalibus. Nam Mercurio, solis ascripserunt naturam, ut est supra in capite 7. Hæc Macrobius.

## DE PARCIS.

## CAPUT LIV.

*Do nomine.*

Sunt qui à *parco* Parcas per Antiphrasin vocatas existimant, quod nemini parcant. Alii tamen, inter quos Varro est, à *partu* potius dictas putant, unius literæ mutatione, quoniam, ut scribit Hesiodus, vitæ hominum præsumunt, & eam nendo ducunt, unde manibus habere fabulantur candida & nigra filâ, per candida felicitatem, per nigra infortunium ostendentes, cujus rei testimonio est Papinius :

*Famque dies aderat, Parcarum conditus  
 albo  
 Vellere.*

Et Ovidius in Ibim.

*Dixerat, & Clotho jussit promissa va-  
 lere,  
 Nevit & infesta stamina pulla manu.*

Propterea has lanificas appellari comper-  
 tum est hoc Martialis disticho ex 6. lib.  
 ad Aulum.

*Si mihi lanifica ducant non pulla sorores  
Stamina, nec surdos vox habet ista  
Deos:*

Theodontius Demogorgonis filias scribit fuisse, cum natura rerum creatas. At Cicero Herebi & noctis, qui & fata credidit eas, unde fatales nominari autumat. Quapropter illud Cleantis relictum est posteris: *Ducunt volentem fata, nolentem trahunt.* Et hoc quod Seneca scribit in Oedipode: *Fatis agimur, cedere fatis.* Martianus præterea non ignobilis author, Parcas Deorum scribas vocitat, quod sententias Jovis studio veritatis excipiant. Tres autem Parcas finxerunt gentiles, quas latini *Nonam*, *Decimam*, & *Mortam* dixere. Ait Aul. Gellius lib. 3. *à tempestivi partus tempore, hoc est à nono & decimo mense, in quibus secundum naturam pueri nascuntur. Mortam vero ab eo, quod qui nascuntur ante hoc tempus, vel post, quasi monstra habeantur, volunt enim septimo mense raro pueros nasci, octavo nunquam, nono sæpe, decimo autem sæpius.* Quam rem uberrime tractat Plinius lib. 7.

Ultimam *Mæram* vocari, scribit Janus



nus Parrhasius, in enarrationibus Claudiani, *μοῖρα* enim latinis parca sonat. A. Gellio tamen Lud. Coelius consentire videtur qui ut hactenus scriptum est, *Mortam* habet & *Mæram* dici negat, libro 12.

*Imagines Parcarum.*

Has finxerunt Poëtæ lanificium exercere, ut una colum, id est, instrumentum nendi bajulet, Altera ex hoc filum trahat, tertia vero extractum secet. Quod eleganter hoc notavit carmine :

*Clotho fert colum, Lachesis trahit, Atropos occat.*

*Expositio.*

Tres Parca, tria fata sunt numero, cum ratione temporis facientia, si potestatem earum ad ejusdem similitudinem temporis referas, inquit Apulejus in Cosmographiæ libro. Nam quod in fuso perfectum est, præteriti temporis habet speciem, & quod torquetur in digitis, momenti præsentis manifestat intervallum, quod autem nondum ex colo tractum est, lubactumque curæ digitorum, id futuri & consequentis seculi, posteriora

videtur ostendere. Ad quæ audiendus videtur Lactantius de Fatis differens lib. 2.

*Omnia, inquit, tribus necesse est contineri temporibus, præterito, præsentis, & futuro. Præteriti est origo, præsentis substantia, futuri dissolutio, qua omnia in singulis hominibus apparent. Incipimus enim cum nascimur, & sumus cum vivimus & desinimus, cum interimus.*

## DE VOLUPTATE.

### CAPUT LV.

**A**ristippus sectæ Cyrenaicæ conditor & Eudoxus Philosophus nec astorum inscius, tanto præconio & laude voluptatem exceperunt, ut eam summum bonum non sint veriti appellare. Hoc inde probantes, quod in voluptatem agminatim pedibus eant docti pariter & indocti, quibus nihil ratum, nihilque pensum videatur, nisi quod ex voluptatis vel lege sit vel decreto. Quos recto tramite sequi visus est Philoxenus, qui (ut Aristotelis Monumenta testantur) habere se collum gruis exoptavit, quo diutius edendi bibendique voluptate perfrui posset. Unde factum est, ut post Philosophos de-

bile quoque vulgus (*cui pronus est gressus*, Seneca dicente, *ubi voluptatis laus insonat*) adeò in inextricabilem erroris inciderit Labyrinthum, ut voluptatem, tanquam Deam, colerent. Hos tamen cultores Heraclius cognomento Σκόππος, strangulari dignos censuit.

Huic Deæ nomen fecerunt voluptas, quæ in folio sedebat regali, quasi quædam Regina, sed pallida facie, & calcans pedibus virtutes.

*Expositio.*

Regalis ornatus, excellens Voluptatis repræsentare videtur dominium: Quæ licet omnes serè ductu suo regat homines, tamen præcipuè ejus auspicio sic militasse legimus Sardanapalum Assyriorum Regem, Xerxem Persarum maximum, & Claudium Tiberium Neronem tertium Cæsarem, ut primus eorum suo inscripserit sarcophago, tantum se illa habere, quæ edisset, & per voluptates reliquas percepisset. Alter, ut repertori novæ voluptatis subordinarit præmium. Tertius verò, quod insolitum, & recens officium a voluptatibus dictum excogitarit.

Quanto præterea cultu Huic servitium cgerint Heliogabalus, Galenus, Vitellius.

us Imperatores , eam Reginae instar venerantes , multis enarrare supervacaneum fit , quoniam eorum *ἀσπρία* & lucus , quibus mancipati fuerunt , passim apud Auctores leguntur. Quod magnum etiam ac præpotens Milesiis Regnum voluptatis visum sit , vel illud argumento est , quod Hermodorum virum clarissimum , quia frugalitatis & modestiæ erat amator , civitate ejecerunt.

Sunt & argumento Sibaritæ , qui eo anno , quo perierunt ( ut Lampridius refert ) depressio virtutum collegio , nova voluptatis sacrificia , quibus Heliogabalum reficerent , invenerunt. Tarentinos prætereo , quibus Sabini ob immensum voluptatis cultum nomen dederunt teste Macrobio.

Pallor in facie timorem voluptuariorum significat , qui color eis est proprius , quoniam melle voluptatis gustato , semper mœroris quendam verentur aculeum , juxta illud Plautinum in Amphitr. *Ita Diis Placitum est , voluptati ut maror comes subsequatur.* Cui eleganter subscribit Plato ad Dionysium : *voluptas inquit inquietudinem , qua est mater palloris & macilentia , inscitiam & stultitiam parit.*

Quâ viâ demum Regina Voluptas pe-  
L 3
dibus

dibus supprimat virtutes , usque adeò notum est , ut lippi atque tonsores , in vacuâ umbrâ id facile absque dissentione disputent.

## DE PROTEO.

### CAPUT LVI.

**P**roteus Oceani , vel ut quidam volunt , Neptuni & Thetios filius , Deus marinus , & Phocarum custos extitit. Hic ab Ovidio nuncupatur *Anguineus* , & à Francisco Pico Mirandulano , *Vanus* , ob multiplices & inconstantes formas.

Hujus effigies nullis lineamentis pingitur , quoniam in quascunque volebat formas , se vertebat , quod his Caminibus Poëta omnium Maximus indicat :

*Omnia transformat sese in miracula, taurum,*

*Ignemque, horribilemque feram, fluviumque liquentem:*

& Lippius.

*Flamma, leo, taurus, porcus, basileus, lupus, unda,*

*Nec rupit vates vincula Carceris.*



*Nodi solutio.*

Sunt, qui Proteum esse ipsam veritatem putent, quæ dum ratione ducitur ingenium, animis nostris fallaciarum nubi-  
bila objectat, multa enim putamus vera,  
ac bona, quæ non sunt. Quoniam hic  
ex voluptate summum bonum colligit,  
ubi Proteum in suem degenerasse concipi-  
mus. Hic iram, crudelitatis concep-  
taculum, inter vitanda maximè opinatur;  
ubi in tigridem demutatio recognoscitur.  
Sed Draco eorum nobis errores manifestat,  
qui terrena puchritudine felicitatem  
metiuntur. Invenias, qui ambitione &  
superbiâ ubi Proteus Leo fit. Nam flamma  
etiam iræ typum habet. Fluvii præterea li-  
quentis nomine, eos intelligimus, quorum  
sententia animæ post mortem corpoream  
tribuit nihil.

Eum Ptolemæus Ægypti Regem fuisse  
scribit, qui ob maximam disciplinarum pe-  
ritiam in varias formas verti diceretur. In-  
venies alia apud Erasmum nostrum in pro-  
verbio: *Proteo mutabilior.*

DE HARPYIS.

CAPUT LVII.

**H**arpyiæ Neptuni prodigiorum patris  
& cerræ filiæ ut Servius ait. At Hesio-  
dus

dus Thaumantis ex Electra Oceani filia testatur natas. Sic à diripiendo dictæ, quòd in tantum rapaces fuerint. Prima Harum *Aëlle*, quasi *ἰλω τάλλον* *alienum tollens*, dicitur. Secunda *Ocypite*, *citius volans*. Tertia *Celenum*, quod Græci *nigrum* vocant. Illas nempe scriptores sic nominant, quoniam ea omnia tantum significare videntur, quod amata concupiscimus primò, hinc expetita invadimus, postreniò harpagatum illatebramus.

Cujusmodi fuerint monstrosa Harpyiarum corpora, notum est abunde ex Virgiliano carmine. lib. 3. *Æn.*

*Tristius haud illis monstrum, nec se vior ulla  
Pestis, & ira Deus stygiis sese extulit  
undis,*

*Virginei volucrum vultus, fœdissima ventris  
Proluvies, uncaque manus, & pallida  
semper*

*Ora fame - - -*

*Allegoria.*

Sunt qui scribant, ideò virgines fingi, quòd omnis rapina arida sit & sterilis; Ideò Plumis circumdatas, quoniam quicquid invaserit rapina celat: Volatiles autem, quod aliis rapina ad volandum sit celerrima.

F I N I S.

